

TSHAKA THARU DZA VHATENDI

 Kha ri kotamise zwifhaṭuwo zwashu. Zwifhaṭuwo zwashu two kotama, na mbilu dzashu, ndi a mangala uri ndi vhangana vha no do takalela u elelwa thabeloni, ni do tou imisa tshanda tshañu, na ri, “Murena, elelwa nñe, O Murena.” Hu na khumbelo nnzhi hafha, sagaduku dzi kha desike.

² Khotsi wa Tađulu a Funwaho, ro kuvhangana hafhu madekwana aya fhasi ha iyi ḥanga, he Wa ḥangana na riñe zwifhinga zwinzhi nga maanda, huno wa sumbedza lufuno Lwau kha riñe; musi ri tshi lingedža nga ndila dzo ṭukufhalaho dzashu u sumbedza lufuno lwashu na ndivhuwo kha Iwe, kha zwe Wa ri itela zwone. Huno madekwana a ñamusi ri a da hafhu, Murena, sa vhatthu vha ḥodaho, ngauri ri dzulela u ḥoda Iwe. Huno samusi ri fhano kha ḥifhasi, ri a ñivha uri izwo zwi do vha tshililo, ngauri ri kha nndwa. Huno riñe ri... Nndwa yo fhiritshela, huno Wo fulufhedzisa na u amba nga ndila ine swina la do nga ndau i vhombaho. O vhofholowa vhukati ha vhatthu, huno ri kona u mu vhona huñwe na huñwe, vhunga ndau i vhombaho i tshi mila ane ya funa, ngauri u a ñivha uri tshifhinga tshawe ndi tshipfufhi. Fhedzi ri na—ri na ene—ene Khotsi a londaho Vhawe vhaṭuku, huno kha Iwe ri a shavhela na khumbelo dzashu, madekwana a ñamusi, Murena. Ri rabela uri Iwe u do dzi tendela.

³ Huno idzi sagaduku dzi re hafha, Khotsi, dzi amba uri hu na vhatthu vha lwalaho huñwe fhethu shangoni, huno vha no khou vhidzelela na u ḥoda Iwe, huno vha tshi tenda kha Iwe, u vhea lutendo lwavho kha nyito hafha u rumela idzi sagaduku. Mudzimu, tendela uri muñwe na muñwe wawho a fhole.

⁴ Ri vhona maanda Au a nungo, Murena, kha zwikhathinyana zwi si gathi two fhiraho heneffo kha ulwo lufhera, vhuyedzedza nyelelwo yo fhelelaho kha mutukana we a vha o xela. Ri vhona maanda Au mahulwane, tshifhinga na tshifhinga, u tshi sudzulusa vhulwadze huno wa dzumbulula tshipfiri tsha mbilu, huno u tshi sumbedza vhatthu, nahone u tshi vha dzudza tswititi nga oda. Ri a U livhuwa, Murena Mudzimu, ngauri izwo zwi seli ha munna muñwe na muñwe. Izwo zwi seli ha tshiñwe na tshiñwe tshire muñwe washu a do ñivha, nga ndila ine U nga kona u dzumbulula tshone tshivhangi, na zwe tsha ita, na ndila ine tsha vha ngayo. Uyo ndi Iwe, Khotsi. Huno ri a ñivha, uri, “Ipfi li ḥola mbilu, huno sa Muṭalukanyi wa mihibulo na zwine mbilu ya fhima zwone,” ngauralo ri a U livhuwa nga nt̄hani ha hezwi.

⁵ Huno zwino, Murena, ri a tenda uri vhatthu zwino, vho kotamisa zwifhaṭuwo zwavho, vha khou elekanya nga ha izwi zwithu, huno ndi Muya Mukhethwa u no khou amba navho. Huno tendela uri inwe na inwe ya khumbelo dzavho i kone

u fhindulwa. Tshidza vha tshidzeaho, Murena, madekwana a namusi. Vho xelaho, ngavhe vha tshi da ngomu huno vha tshidzwa.

⁶ Ri a livhuwa nga maanda u vhona ilo buto lihulwane, lihulu la zwiambaro zwe nukalaho heneffo, ri tshi divha uri tshalo tsho vuliwa; huno tshivhi tsha mukalahha tsho switwa, u itela vhanzhi vhavho. Huno ndi a U livhuwa nga nthani hazwo, Khotsi. Huno ngavhe vha tshi tshimbila kha Vhutshilo vhuswa, maduvha avho othe. Nga Dzina la Yesu Kristo, ri a zwi humbelia. Amene.

⁷ Murena a ni fhaṭutshedze, tendelani khumbelo ye na vha nayo kha mbilu yaṇu uri i fhindulwe.

⁸ Zwino, ndi a tenda uri Billy o amba uri Mukomana Wheeler o vha e na lushie luṭuku. Naa izwo zwe vha zwi zwone? Naa ndo ita khakho heneffo, u kumedzwa, kana tshiñwe tshithu tshiñwevho, kana u kumedziwa. [Murathu Neville u ri, “Ndi a tenda uri ho vha hu na vhuskie vhuraru kana vhuṇa.”—Mudz.] Zwe luga. Arali ni tshi do takalela u vhu disa ngeno nthā zwino, ri do takala; arali vhahulwane vha tshi do da phanda, vha vhea zwanda kha vhatku vhaṭuku, u itela tshumelo ya u kumedziwa. Huno ri do lingedza u tou pfufhifhadza. Huno ri ṭoda avha vhatku vhaṭuku, vha no ṭoda u da kha Murena Yesu, vha ṭoda u disa dzhuwele dzavho—dzavho ḥukhu dze Mudzimu a vha nea dzone. Rine tshifhinga tshothe ri a lingedza u vha itela ndila, ngauri a ri divhi zwine la matshelo la fara.

⁹ Mme anga vho vha vha tshi anzela u mmbudza, “Ni songo zwi vhetshela, matshelo, zwine zwi nga itwa namusi.” Izwo ndi zwone, ngauri a ni divhi zwine la matshelo la fara, fhedzi ri a divha Uyo o faraho la matshelo. Itshe ndi tshone tshipida tshihulwane. Ri a divha Uyo o faraho la matshelo.

¹⁰ Mukomana Wheeler, Murena Mudzimu a ni fhaṭutshedze. Huno uyu ndi Khaladzi Wheeler. Zwa vhukuma ndo takala u tangana na inwi. Huno ndi... u tondwa hanga huhulu, lwa u thoma, ndi a tenda, sa zwine nda divha, u tangana na inwi. Huno ulu ndi lushie lwaṇu. Naa dzina ḥalwo ndi lifhio? [Khaladzi Wheeler u ri, “Carlena Rebecca.”—Mudz.] Carlena Rebecca. Zwe luga, ndi musidzana muṭuku wavhudzi, o naka u ya nga hune a nga vha ngaho. Zwino, Carlena Rebecca Wheeler muṭuku.

¹¹ Mukomana Wheeler ndi muñwe wa madikoni ashu fhano tshivhidzoni, huno Mudzimu o fhaṭutshedza vhuthihi havho, kha uyu muṭuku. Ndi a tenda uri ni na, vha no ṭoda u swika, ndi a divha, vhañwe vhasidzana vhavaru. Ndi vhabumakadzi vhavhudzi zwa vhukuma, vhunga ndi tshi pfectesa, huno ngauralo ndi a rabela uri Mudzimu u do ita Rebecca u tou fana na vhone whothe. Ni a vhona? Huno zwenezwo zwi do vha pfusho kha vhoiwi nothe, a zwi nga do ralo? Izwo ndi zwone, ngauri ndi vhana vhavhudzi nga maanda.

¹² A thi ḥivhi uri kana u do ntendela u mu fara kana hai, fhedzi, arali a sa iti, ri do vhea zwāndā khae. Naa ni do takalela u da ngeno kha nne, Rebecca? Ni ḥoda nne ndi tshi ni fara? Izwo ndi zwavhuđi nga maānda. Ndi musidzana muđuku o nakaho nandi!

Zwino kha ri kotamise zwifhađuwo zwashu.

¹³ Khotsi wa Tađulu wa Tshilidzi, vhunga ro ima hafha phandā ha uyu mudikoni, madekwana a ḥamusī; huno nga ngoho o fara ofisi yavhuđi, ngauri mudikoni u fanela u wanala a sa solei, munna wa mufumakadzi muthihi, a langaho muđa wawe zwavhuđi. Ngauri, arali a sa ḥivhi ndila ya u langa muđa wawe, a nga langa hani nnđu ya Mudzimu? Huno ri a U livhuwa ngauri uyu mukomana o swikelela idzi ndalukanyo, huno ri wana Muya wa Mudzimu khae.

¹⁴ Huno zwino u disa lushie lwawe luđuku lwa musidzana hafha, uri a kumedziwe. Wo zwi vhea zwāndāni zwavho uri vha aluse. Mudzimu, huno ri livhuwa hani, uri ri nga kona u ri, lutamo Iwavho ndi lwa uri u do fana na vhańwe vhakomana vhawe. Tendela, Khotsi, uri izwi zwi vhe nga u ralo. Huno ngavhe īwana a tshi tshila huno—huno a tshi vha wa tshumelo khulwane kha Iwe, Khotsi. Huno zwino, nga Dzina la Yesu Kristo, ri nekedza ulu lushie kha Iwe u itela vhutshilo ha tshumelo. Mu ite uri a vhe na mutakalo, a khwađe; ngavhe a tshi tshila vhutshilo vhulapfu, u swika Yesu a tshi da, arali izwo zwi tshi konadzea. Huno zwenezwo, Khotsi, ri a tenda uri u do aluswa nga u kwengweledzelwa zwa Kristo. Huno ri nekedza vhutshilo hawe kha Iwe, u itela vhutshilo ha tshumelo. Amene.

¹⁵ Mudzimu a ni fhađutshedze, Rebecca. Huno Mudzimu a ni fhađutshedze, Mukomana Wheeler na Khaladzi Wheeler. Murena a vhe na inwi.

¹⁶ Ni vuwa hani? Zwino hafha hu na muńwe musidzana muđuku a re na u īwethuwa huhulu kha tshifhađuwo tshawe. Huno dzina lawe ndi lifhio? [Mme vha ri, “Rhonda Renee Coats.”—Mudz.] Rhonda Renee Coats, naa ndi zwone? Naa ni na vhuńwe vhushaka na Jesse na vhańwe, Jesse Coats? [“Hai.”] Ndo sokou elekanya... Ndo ḥivha vhańwe vha ha Coats fhano doroboni. Ndo vha ḥivha zwavhuđi vhukuma, huno vho vha vhe—vho vha vhe khonani dzanga lwa—lwa tshifhinga tshilapfu.

¹⁷ Rhonda, Rhonda Renee. Ndi a mangala arali ni tshi nga da hangeno kha nne, Rhonda? Ndi do—ndi do ni nekedza heneffo murahu kha mme aňu, nga u ḥavhanya ri tshi ni nekedza kha Murena Yesu. Zwino, a si wavhuđi naa!

Zwino kha ri kotamise zwifhađuwo zwashu.

¹⁸ Khotsi wa Tađulu, vhunga muhulwane Wau na nne ro ima rođe madekwana a ḥamusī, nga u tendelana na nyandano kha Mařhungle-mađifha, uyu mme u disa uyu Rhonda Renee muđuku kha Iwe u itela u kumedziwa. Wo mu vhea zwāndāni zwawе, u itela ndondolo, huno tshithu tsha u thoma tshine a nga kona u

ita ndi u mu ḥekedza murahu kha Iwe. Vhunga Yobo wa kale o amba, Murena u nea izwi zwithu. Huno ri a rabela, Mudzimu, uri U do mu vhulunga nga tsireledzo u swika awara ine Wa do tea u dzhia. Huno, Mudzimu, tendela uri u do tshila vhutshilo ha vhukuma ha Vhukriste huno a vha tsumbo kha vhañwe, musi a tshi aluwa. Fhaṭutshedza haya hawe, huno ngavhe a tshi kumedzelwa kha Iwe, tshumelo nga vhudalo, nga mbilu dza ngoho. Huno zwino, Mudzimu, ri U nea Rhonda Renee Coats muṭuku, nga Dzina la Yesu Kristo, u itēla vhutshilo ha tshumelo. Amene.

Zwahvhuđi nga maanda! Mudzimu a ni fhaṭutshedze, khaladzi.

¹⁹ Ni vuwa hani! [Khaladzi u ri, “Robert Paul Schamel.”—Mudz.] Robert Paul Shane? [“Schamel.”] Schamel.

²⁰ Zwo luga, mini arali... Huno ni nga ni kha di vha muswa, a thi elekanyi uri ni nga kona u ṭaṭa nga maanda nga hazwo. Ni songo ntsea nga u ralo. Sedzani hafha, arali ni tshi ṭoda tshiñwe tshithu tshine ni nga tshi sea. Robert Paul, ndi dzina lo nakaho-đe!

Kha ri kotamise zwifhaṭuwo zwashu.

²¹ Mudzimu, vhunga yuu musidzana muswa a tshi da fhano; fhedzi, kha riñe, a tshi do vha ñwana. Huno u khou ḥekedza mutukana wawe muṭuku, O Mudzimu, sa vhutshilo ha tshumelo kha Iwe. Ndi mutshelo na mvelelo ya vhuthihi havho. Ndi a rabela, Mudzimu, sa muhulwane Wau huno nne ndi tshi vhea zwanda kha yuu muthu muṭuku, uri vhutshilo hawe vhu kumedzelwe kha Iwe. Tendela, Murena, arali hu na la matshelo, ngavhe a tshi hwala Mulaedza une vhabebi vhawehaweha vha khou thetshesela, Mudzimu. U tendele. Huno ndi a rabela uri Iwe u do fhaṭutshedza mahaya avho, huno ngavhe ñwana a tshi aluswa nga u kwengweledzelwa zwa Mudzimu, huno a vha mufunziwa a—a funwaho Wau. Ri mu ḥekedza kha Iwe nga Dzina la Yesu Kristo. Amene.

²² Zwo luga, u—u tou vha mutukana muthihi waghudu. Ndi zwenezwo fhedzi. Ee, muñe wanga. Ho ngo kona u humbela tshithu tsha u ḏifha, no ralo? A hu na tshithu shangoni tshine tshi nga ḏifha-vho, tsho lugaho, u fhira uyo muthu muṭuku. U ñwethuho hoṭhe! U ḏifha nga u ralo? [Tshividzo tshi ri, “Amene.”—Mudz.]

²³ Itsho ndi tshifhinga tshithihi mufumakadzi wanga a tshi emula mushumo wanga, ndo fara uvho vhushie. U funa u vha fara. Huno ndi a ita, na nne-vho, fhedzi nne tshifhinga tshoṭhe ndi a ofha uri ndi do vha wisa. Vho tou ralo, inwi ni a ḏivha, vho naka nga maanda nahone vha vhonala vhe vhatete, fhedzi, inwi ni a ḏivha, vho—vho khwātha zwa vhukuma u fhira zwine vha do vha zwone.

²⁴ Zwino, ndo ni vhudza uri ndo vha ndi tshi khou yo bva... Zwo luga, ndi na miniti ya furaruñthanu fhedzi. Ndi khou yo tea u ḥavanya, naa ndi nga si ralo? Kha ri vhone. A—a—a thi khou amba u—u ḥatula tshiñwe tshithu nga ndila i si yone, kana u amba tshiñwe tshithu uri tsho khakhea, fhedzi ndi khou yo lingedza nga maanda zwa vhukuma, ngauri... Inwi ni a ḥivha, nga murahu ha musi ri tshi ya n̄tha ndi—ndilani, a ri tou—a ri tou vha vha mafulufulu nga maanda sa zwe ra vha ri tshi anzela u vha zwone, inwi ni a ḥivha. Maela nga tshiñwe tshifhinga i a lemela, huno tshumelo mbili kana tharu nga ḥuvha, mulandu...

²⁵ Huno zwi no ita tshipida tshihulwane, ndi ayo mabono. U rera a hu mmbaisi. Nne-nne, ndi nga kona u ima hafha ḥuvha lo̥the, a zwi nndini, fhedzi ndi... Fhedzi ayo mabono fhedzi, na musi vhathe vha kha iyi mivhudzisano, izwo ndi zwine vha fanela u vha nazwo. Ni a vthona? Izwo ndi ngazwo vhe fhano ngazwo. Ndi tshiñwe tshithu tshire tshi nga si kone u ladzwa nga u vhea zwanda fhedzi. Zwi tea u divha mudzi, u thoma hazwo, zwine zwa vhu vhangana, zwe zwa vhu ita, huno zwenezwo zwine zwa tea u itwa u bva ngomu hazwo. Izwo ndi zwine a vha fhano ngazwo.

²⁶ Zwino, muṭangano u a thoma, ḥuvha nga murahu ha vhusiku ha matshelo... kana, hai, ndi humbelia pfarelo yanu, ndi vhusiku ha Ləvhuraru, ngei Shreveport, Louisiana. Huno arali muñwe wa vhoinwi a na khonani u mona ho̥the ngomu heneffo, mulandu, mu vhudzeni a qe hangeno. Life Tabernacle, ndi a elekanya, ndi hune zwa—zwa thoma, nndani ha musi zwi tshi buđekanya oditoriamu, arali vha tshi nga wana izwo, zwine zwa vha nea lufhera lwa u dzula luñuku lwo engedzeaho. Fhedzi vho wana bałikhoni kha lufhera lwa n̄tha, na fhasi huhuluhulu, huno zwenezwo na fhasi nga fhasi ha afho. Ngauralo, a thi ḥivhi kokotolo uri vha nga dzudza vhangana, fhedzi ndi... Arali ha vha huvhi nga maanda, khamusi ri nga wana oditoriamu u buđekanya hone, hune ha do... A thi ḥivhi uri hu dzudza vhangana, tshiñwe tshazwo. Ndo no vha na dzitshumelo heneffo, fhedzi a thi elelwi. Iyi ndi khu—khuvhangano ya nwaha.

²⁷ Minwaha miraru yo fhiraho ndo vha ndi henengei fhasi, huno ra thoma mvuseledzo, nga Dzina la Murena, huno na khathihi a yo ngo fhela, u bva tsheetsho. Ri tshi khou di bvela phanda, u isa phanda fhedzi; ḥuvha liñwe na liñwe, vhathe vha tshi dzhena ngomu, vho tshidzwa, vha lovhedzwa, huno vha tshi bvela phanda na Murena nga u ralo, vhashumeli huno tshithu tshiñwe na tshiñwe tshi tshi da heneffo ngomu. Huno ro tou... Samusi zwi tshi bvela phanda nga u ralo, huno nda swika hune nda dzula hafha, ndi ḥoda u dala tshifhinga tsho̥the, huno nda tou zwi vhea nga maipfi anga a si gathi nahone—nahone nda ya phanda.

²⁸ Zwino, izwo zwi do thoma nga Ləvhuraru, huno zwa guma nga Swondaha. Vhuragane ha Vhanna vha Bindu vha Vhukriste ndi... A thi... hangwa dzina la iyo hodela... Ndi a tenda uri ndi yone... vhidzwa... Vhone, vhone vha do ni vhudza musi ni tshi ya henengei. Ndi vhuragane ha vhoramabindu.

²⁹ Ro vha na tshifhinga tshihulwane henengei, kha vhoiñwi vhoramabindu hafha, tshifhingani tsha u fhedzisela henengeyo. Murena o tshidza ene—ene rabbi, a tshi bva mudini. Huno, oo, a thi ñivhi zwe the zwa itea. Ho vha hu tshifhinga tshihulwane Murenani, henengeyo, ndi tshi rera nga ha Mulanga wa Malofha. Ngauralo riñe... Izwo ndi zwine Vhayuda vha ñivha nga hazwo; ndi malofha. “Hu si na u shuluwa ha malofha, a hu na khangwelo,” inwi ni a vhonja.

³⁰ Zwino kha ri ye tswititi kha Ipfi, huno ndi do ita vhukhwine hanga u vhulunga ipfi langa kha vhoiñwi.

³¹ Huno zwino, arali Murena a tshi funa zwino, nga Swondaha nga murahu ha Khushumusi, arali ni kha holodei dzanu huno ni tshi khou reila u mona hothe, a hu redzemawi na tshiñwe na tshiñwe, mulandu, inwi—inwi ni u mona hothe hafha tsini, mulandu, džhenani ngomu. Huno ri khou fhima u vha na tshumelo hafha nga matsheloni a Swondaha, a—a—a Swondaha nga murahu ha Khushumusi. Naa datumu ndi ifhioha? [Muñwe u ri, “Fumbiliñahe.”—Mudz.] Fumbiliñahe, ñuvha la vhufumbiliñahe, huno ilo ndi Swondaha ya nga murahu ha Khushumusi, ñuvha la vhufumbiliñahe. Zwino, arali tshiñwe tshithu tshi tshi bvelela tshire ra, tshiñwe tshithu, ri sa do, huno tshi si nga vhi fhano... A ri ñivhi nga ha tshifhinga tshi daho, inwi ni a ñivha. Fhedzi arali tshiñwe tshithu tsha bvelela, mulandu, vhoiñwi vhane na dzula nnđa ha dorobo, vhane na džhena ngomu, vhunga vhathe vha bvaho fhasi ngei Memphis... .

³² Ndo ḥoda u pfa Mukomana Ungren a tshi imba *U Muhulwane Hani*. Huno a thi... Naa u fhano madekwana a ñamusi?

³³ Huno, ngauralo, huno nne tshifhinga tshothe ndi na zwithu zwinzhi nga maanda, ndi nga si ite uri zwi itwe zwe the, ndi nga si ite uri zwi itwe zwe the. Mudzimu a ni fhañutshedze, vhoiñwi vhathe.

³⁴ Zwino kha ri fhende kha Manwalo zwino u itela u vhalia lwone—lwone Luñwalo luñuku. Hune, arali maipfi anga a tshi kundelwa, Ili li nga si ralo. Huno zwenezwo Mudzimu u do ni fhañutshedza u dzula, nga nthani ha u thetshelesa Ipfi Lawe. “Lutendo lu da nga u pfa, u pfa Ipfi la Mudzimu.” Naa izwo ndi zwone? Zwino vhunga ndo vha ndi tshi khou elekanya... Musi, ni khou fhenda kha Yohane Mukhethwa ndima ya vhu6, ri tshi thoma nga ndimana ya vhu60, huno ri tshi vhalia ya vhu71, ro katela nayo. Yohane Mukhethwa 6:60.

³⁵ Zwino ndo vha ndi tshi khou elekanya, musi ndo vha ndi tshi khou sedza nga fasiṭere tshikhathinyana tsho fhiraho, huno ndo sedza kha u kovhela ha ḫuvha huno ndi tshi vhona nga ndila ine mupo woṭhe wa vha na mulayo. Huno musi tshifhinga tsha vhuriha tshi tshi da, mulayo, nga hone huṇe, ha mupo, hu tshi gidimisela sama fhasi midzini ya muri. Vhu a swiṭa.

³⁶ Vhunga Yobo o amba, “Oo, uri Iwe u nndzumbe tshaloni, uri Iwe u mmbulunge fhethu ha tshiphiri u swika mbiti Dzau dzi tshi fhela.” Huno zwino, izwo ndi zwone, “Arali Iwe u tshi ḫo nndzumba!” Ni a vhona, o vhona wone—wone mupo, muri, vhutshilo vhu tshi tsela fhasi ngomu midzini; Mukomana Way. “Huno nda dzula heneffo u swika mbiti dzo no fhira, huno zwenezwo wa mmbidza huno wa vhekanya tshifhinga.” Ni a vhona?

³⁷ Mupo u na mulayo. Hu na mulayo wa mupo; a hu na ndila na luthihi ya u ḫa u mona nawo. Ndi mulayo wa mupo. Huno zwenezwo hu na mulayo wa myua; hu na, nahone, a hu na ndila ya u ḫa u mona hoṭhe ha uyo.

³⁸ Ndo vha ndi tshi khou amba na vhafunani masiari a ḫamusi, nga ha, inwi ni nga si kone u tshinyadza tshiñwe tshithu tshoṭhe-tshoṭhe. Vhatu vha nga si tshinyadze tshoṭhe. Vha nga kona u kherukanya, fhedzi hu si u tshinyadza tshoṭhe. Huno muñwe muthu o ri, “Zwo luga, mini-ha nga ha u dzhia na u fhisa tshipida tsha bammbiri, naa izwo zwi a li tshinyadza?” Hai, muñwe wanga. Zwi tou vundekanya dzikhemikhaļa, mufhiso wa mulilo. Zwi humela murahu kha dzigese, zwe zwa vha zwi dzone u rangani. Inwi ni nga si tshinyadze tshoṭhe. Huno arali shango lo ima tshifhinga tshilapfu lwo edanaho, idzo gese dzi fanaho, idzo na—na khemikhaļa dze dza vha dzi kha iļo bammbiri, dzi tshi nga vhuya heneffo murahu huno dza vha tshipida tsha bammbiri hafhu. Izwo ndi kokotolo. Inwi ni nga si tshinyadze tshoṭhe. Kokotolo.

³⁹ Mudzimu, zwenezwo. Arali hu na mvuwo ya tshiñwe na tshiñwe, murahu hafhu, huno hu si na u tshinyadza tshoṭhe, hu na mvuwo ya vho lugaho, iina, huno ri tea u vhuya. Ndi zwenezwo fhedzi zwi re khazwo. A hu na ndila ya u ita na luthihi. A hu londwi arali no swa, arali no ḫupela, huñwe na huñwe hune zwa itea, vha nga si kone u tshinyadza tshoṭhe.

⁴⁰ Itonu elelwa uri tshipida tshiñwe na tshinwe tshanu tsho vha tshi fhano, musi Mudzimu a tshi amba uri shango li vhe hone. O vhea muvhili waļu heneffha tshifhingani itsho. Huno a hu na tshithu tshine tshi nga zwi dzhia nga nn̄da ha Mudzimu. Zwoṭhe zwo no vhuyeleta ngomu zwandani Zwawe hafhu. Ni a vhona? Huno Uyo ndi Ene, ndi Ene a no, Musiki, o vha e Uyo We a ita pfulufhedziso, ngauralo ri na ngoho ya uri hu na Vhutshilo Vhu Sa Fheli. Huno ri na vhūtanzi mbiluni dzashu zwino, uri zwino

ri na Vhutshilo Vhu Sa Fheli, Vhutshilo Vhu Sa Fheli vhune vhu nga si kone u fa, kha riñe zwino. Zwo luga.

⁴¹ Yohane Mukhethwa 6. Kha ri thome zwino nga ndima ya vhu6 ya Yohane Mukhethwa, huno ri tshi thoma nga ndimana ya vhu60.

Vhanzhi ngauralo-ha vha vhafunziwa vhawe, musi who pfa, who pfa izwi, vha ri, Ili ndi fhungo li kondaho; ndi nnyi aña a nga li pfa?

Zwenezwo Yesu a ñivha...ene muñe zwauri vhafunziwa vhawe who zwi gungulela, huno a ri khavho, Naa izwi zwi a ni khukhulisa?

Mini...arali ni tshi ño vhona Murwa-muthu a tshi gonya u ya he a vha e hone u rangani?

Naa—naa zwi...muya u hanyisaho; huno ñama a i vhuedzi tshithu: maipfi aña nda a amba kha vhoiñwi, ndi maya (ayo ndi Ene), huno ndi one vhutshilo. (Naa O ri mini? “Ndi nñe Ngoho, Vhutshilo.”)...ndi one maya,...ndi one vhutshilo.

Fhedzi hu na vhañwe vhañu vhane vha sa tende. Ngauri Yesu o ñivha u bva u rangani vhe vha vha vhe vhone vhe vha sa tende, na uyo a no tea u mu ambulula.

Huno a ri, Ngauralo Ndo ni vhudza, uri a hu na muthu aña a nga ña kha nñe, nnñani ha musi a songo ñewa nga Khotsi anga.

Huno u bva nga itsho tshifhinga vhanzhi wha vhafunziwa vhawe vha humela murahu, huno vha si tsha tshimbila nae. (“Fhungo li kondaho,” ni a vhona, ho ngo kona u zwi dzhia.)

Zwenezwo Yesu a amba na vha fumi na vhavhili, Naa na vhoiñwi ni ño tuwa?

Zwenezwo Simoni Petro a mu fhindula, Murena, naa ri ño ya ha nnyi? ngauri iwe u na maipfi a vhutshilo vhu sa fheli.

Huno ri a tenda izwo zwa uri ri na ngoho ya uri iwe u Kristo, Murwa wa Mudzimu a tshilaho. (Nñe-nñe!)

Yesu a mu fhindula, Naa A tho ngo nanga vhoiñwi vha fumi na vhavhili, huno muñwe wa vhoiñwi ndi diabolo?

O amba nga ha Yudasi Isikariote murwa wa Simoni: ngauri o vha e ene aña a tea u mu ambulula, e muñwe wa vha fumi na vhavhili.

⁴² Zwino, arali ndi tshi fanela u vhidza iyi thoho ya madekwana a ñamusi, huno nda lingedza zwanga zwa khwinesa u ita iyo hafu ya awara uri i vhalive, ndi ñoda u amba nga ha: *Tshaka Tharu Dza Vhatendi.*

⁴³ Huno ndo ita tshitatamennde kanzhi. Huno ndo elekanya, “Zwo luga, ndi do tou tenda uri ndi do rera nga hayo nga tshinwe tshifhinga, masiari a ɻamusi.” Ndo elekanya izwo.

⁴⁴ Vha u thoma ndi vhatendi, vhahoi, na vha sa tendi. Zwino, iyo ndi tho—tho—thoho vhukuma. Fhedzi, nga ngoho ri tshi dzula hafha madekwana a ɻamusi, itsho tshigwada tshifhinga tshothe tshi vha tsho kuvhangana fhethu huthihi. Hunwe na huňwe hune vhathu vha kuvhangana, ri wana itshi tshigwada, huno tshifhinga tshothe ro vha wana, huno nga khonadzeo tshifhinga tshothe ri do vha navho u swika u Dani ha Murena. Huno ndi ḥoda riňe, madekwana a ɻamusi, u difanyisa riňe vhane, vhunga ndi tshi khou amba nga ha izwi zwigwada zwiraru, huno ra vhona uri ndi tshifhio tshigwada tshine ra vha khatsho.

⁴⁵ Zwino elelwani, ndi khou amba hafha khamusi kha... Itshi tshivhidzo, tsho dala hafhu madekwana a ɻamusi, u mona hothe, na mbondo na dziphasedzhi, fhedzi ndi khou amba na shango u mona hothe. Ni a vhona? Kha zwipida zweo fhambanaho zwa shango, idzi theiphi dzi a mona hothe, mishumo ya dzitheiphi.

⁴⁶ Zwino ndi ḥoda u amba nga ha vhatendi vha tshaka tharu dzo fhambanaho zwino. Zwino elelwani, *vhatendi*, thothe yanga ndi *vhatendi*. Muňwe wavho ndi mutendi wa ngoho, huno a tevhelaho ndi muhoin, huno a tevhelaho ndi a sa tendi. Ni a vhona?

⁴⁷ Zwino, tshigwada tsha u thoma tshine ra do takalela u amba nga hatsho, ndi mutendi. Ngauri, ndi elekanya uri u fanela u vha wa u thoma, ngauri ndi ene ane a tenda nga ngoho, zwino, u tenda vhunga vhafunziwa vho tenda hafha. Ri khou yo shumisa ulu Luňwalo lwo vhaliva sa tsumbo. Zwino, vha u thoma ndi vhatendi, vhatendi vha vhukumakuma. “Huno lutendo lu da nga u pfa, u pfa ha Ipfi la Mudzimu,” Ipfi la Mudzimu, line la vha Kristo. Ni a vhona, vhatendi!

⁴⁸ Zwino, naa no no dzhiela nzhele itshi tshitatamennde tshihulwane tshe uyu mutendi a ita? Zwino, mutendi ha tei u vha muthu o thanyaho nga ndila ya shango ya u vha o thanyaho. Ha tei u vha muthu o funzwaho nga ndila ine avha vhathu vha lingedza u—u amba uri ni tea u vha ngayo; fhedzi inwi a ni iti. Inwi... Uyu munna o ita itshi tshitatamennde, Bivhili Yone inę yo amba uri o vha a “sa dihvi” nahone a “songo funzwa.” Petro, o vha a sa dzhiwi e muthu o ḥalifahao zwa vhukuma.

⁴⁹ Kha Yesaya 35, i ri, “Hu do vha na gondo lihulwane, na ndila, huno i do vhidzwa, ‘Ndila ya vhukhethwa.’ Vha songo kunaho vha nga si fhire khayo.”

⁵⁰ Ndo vha ndi tshi khou amba na muňwe wa madikoni masiari a ɻamusi, musi ro vha ri tshi khou amba nga ha maboroho o vala u budekanya, na ili liswa. Nda ri, “Hu na miratho yo aṭamaho u budekanya mivhili ya mađi, matavhi a milambo ɻamusi.” Huno nda ri, “Fhedzi hu na muratho muthihi muhulwane wo aṭamaho

u no bva kha lifhasi u ya Vhugalani, i vhidzwa, ‘Gondo lihulwane la Khosi.’ Vha songo kunaho a vha nga fhiri khalo.” Izwo ndi zwone. Ndi ndi—ndila yo fhaṭwaho nga Kristo Murena washu, muratho u no itwa u bva kha ili lifhasi u ya kha linwe Shango, huno a songo kunaho ha fhiri khawo.

⁵¹ Petro, uyu muthu a songo funzwaho, wa . . . o ima tsini, musi o no vhona Ipfi la Mudzimu lo khwathisedzwaho lu sa timatimisi la duvha, le Mudzimu a fulufhedzisa nga ilo duvha uri hu do vha na Uyo a no do vuwa a no do vha ene—ene Muporofita vhukati havho. Huno Simoni zwo vha zwi tshi konda u zwi tenda, ngauri hu do vha ho no vha na vhaedziseli vhanzhî Vhalo. Fhedzi musi o vhona Ipfi la itsho tshikhathi la vhukumakuma, lo petuluwaho, huno a Mu pfa nga ndila yo teaho o Mu ḥalusa, o—o vha o kholwa zwa vhukuma uri O vha e Nnyi. Huno o vha e ene, a ri, “Murena, naa ri do ya kha nnyi?” musi a tshi vhudziswa.

⁵² Musi ma—magogo a tshi khou fhandekana, vhukati ha vhatendi, na vha sa tendi, na vhahoi, ho vha hu na vhuraru hoṭhe havho vho ima heneffo kha iyo khamphani ya vhathu; vhatendi, vhahoi, na vha sa tendi, heneffo u wanala kha iyi ndima heneffha. Huno ngauri Yesu o amba Maipfi nga ndila ye A ita, zwo fhandekanya tshivhidzo Tshawe. Fhedzi zwi fanelwa u itwa.

⁵³ O vha e munna muhulwane zwezwi A tshi fhodza vhalwadze, fhedzi musi zwi tshi da fhasi kha Pfunzo na vhuporofita, izwo ndi zwe zwa fhandekanywa mu—mungu kha goroi. Ni a vhona? Mungu u putela fhedzi u mona hoṭhe na goroi. A si goroi. U nga si kone u shumiswa. A hu na tshithu khazwo. A hu na Vhutshilo khatsho. Ndi ganda, huno li nga si kone u dzula na goroi. Li nga si vhe mulaifa na goroi. Huno ngauralo zwi na . . . Thoro fhedzi ndi ine ra khou amba nga hayo, mbilu ya thoro ya goroi.

⁵⁴ Zwino dzhielani nzhele, Petro o vha o kholwa uri Uyo o vha e Mesia. Zwino, ni songo ita phambano zwe vhaṇwe vhoṭhe vha amba. A zwo ngo ita inwe phambano zwe vhotshifhe vha amba. A zwo ngo vha na mushumo kha Simoni Petro zwe tshivhidzo tsha amba. O vha o kholwa, ene muṇe.

⁵⁵ Yesu o mu vhudza, kha fhethu huthihi he A vhudzisa, “Naa muthu u ri Nne ndi nnyi?”

⁵⁶ “Huno vhaṇwe vho ri U ‘muporofita,’ huno vhaṇwe vho ri U ‘muṇwe wa vhaporofita vha kale vho vuswaho,’ huno—huno U ‘Mushe,’ kana ‘Eliasi,’ kana muṇwe muthu.”

A ri, “Ndo u vhudzisa. Naa ni elekanyani?”

⁵⁷ Huno Petro a ri, “Iwe u Kristo, Murwa wa Mudzimu a tshilaho.”

⁵⁸ A ri, “Wo fhaṭutshedzwa, murwa wa Yona; Simoni, murwa wa Yona; ngauri nama na malofha a zwo ngo u dzumbululela izwi na khathihi. Iwe a wo ngo zwi guda zwi tshi bva kha bugu,

kana zwi tshi bva kha ndaela, kana zwi tshi bva kha katekasima. Iwe . . . Khotsi Anga, a re ngei Tađulu, o u dzumbululela izwi.” Ngoyo mutendi wa vhukumakuma; nzumbululo ya tshimuya ya Ipfi. Ni a vhona? Huno kha- . . . “Iwe u Simoni, huno kha ili tombo, la nzumbululo yau ya uri Nne ndi Nnyi, Ndi do fhaṭa Tshivhidzo Tshanga, huno khoro dza vhudzulavhafu dzi nga si Tshi kunde.” Ni a vhona?

A zwi mangadzi Simoni o ri, “Naa ri ḍo ya kha nnyi?”

Yesu a rembuluwa huno a ri, “Naa na inwi ni ḥoda u ṭuwa?”

⁵⁹ Huno vha ri, “Murena, naa ndi nnyi ane riñe, naa ri ḍo ya ngafhi? Ngauri, Iwe u woṭhe u na Maipfi a Vhutshilo. Ndi iwe u Woṭhe fhedzi.”

⁶⁰ Ngauri, Ho ngo vha fhedzi na Maipfi a Vhutshilo, O vha e Ipfi la Vhutshilo. Ni a vhona, O vha e Ipfi la Vhutshilo, huno Simoni o limuwa izwi lu sa timatimisi. Huno musi o no zwi limuwa, izwo zwe vha zwone zwe zwa ita uri a farelele, ngauri zwe vha zwe dzumbululewa ene uri O vha e iļo Ipfi li tshilaho.

⁶¹ Zwino, uyo ndi mutendi wa vhukumakuma, musi Muya Mukhethwa; hu si muňwe o kwengweledzwaho nga muňwe muthu, hu si nga tshinwe tshithu. Fhedzi musi Muya Mukhethwa wo no ni dzumbululela Ipfi Lone line, huno na vhona Ipfi lo itwa uri li vhe khagala, lo khwaṭhisēdzwa; zwenezwo Muya wa Mudzimū u a da huno wa dzhena ngomu ha itsho tshikhathi, u itela Ipfi la itsho tshikhathi, huno wa li ita uri li vhonadzwe.

⁶² Naa munna a nga bviswa hani kha u tenda kha Luther arali o ḏivha izwo? Luther o vha e mushandululi. Munna-muya o ya heneffo u itela tshandululo. Wesley, nđila i fanaho. Vho ḍo tea u zwi tenda. Ni a vhona, uyo wo vha—uyo wo vha u mulaēdza u yaho kha tshikhathi tsha tshivhidzo. Izwo zwe vha zwi kokotolo zwe zwa bvelela. Izwo zwe vha zwi zwa u itea. No ḍo tea u zwi tenda.

⁶³ Huno hafha ri hone, fhasi kha Tshikhathi tsha Laodikea. Huno ri a funzwa, kha Tshikhathi tsha Laodicea, uri Kristo o vha o bviswa tshivhidzoni Tshawe; huno o vha a tshi khou khokhonya kha vothi, a tshi khou lingedza u vhuyeleta ngomu. Ngauralo musi ri tshi vhona izwo zwi tshi bvelela, ri a ḏivha uri ndi tshikhathi-de tshire ra tshila khatsho.

⁶⁴ Huno, zwenezwo, ri kha u vala ha ḏivhazwakale ya shango. Bugu zwino i khou fhedziswa. Mutalo wa u fhedzisela u ḍo ḥwalwa u budekanya nayo liňwe ḫuvha, huno i ḍo valiwa, zwenezwo tshifhinga tshi nga si tsha vha hone.

⁶⁵ Huno hu na litambwa lihulwane li no khou vhekanywa. Huno Vharuňwa vho ima nga n̄tha ha lutombo, vho sedza. Inwi ni a ḏivha uri ndi litambwa lifhio. Vhatambi vho dilugisa. Ni nga vha vhona vha tshi khou tamba.

⁶⁶ Inwi ni kona u vhona muvhi a tshi khou tamba. Ni kona u vhona muthu muvhi wa mutambo, ndila ye a da vhuponi nga vhukwila hawe, u fhura.

⁶⁷ Fhedzi ni kona u vhona Tshivhidzo tsho takulelwaho ḥadulu tshi tshi khou Dilugisa. Ndi vhupo vhuhulwane. Ni kona u vhona Vhuhone ha Mudzimu vhu tshi khwaṭhisna na u ita litambwa lihulwane lo dzulwaho lo ambiwa hafha Bivhilini, u li tamba. Ndi tshifhinga-de tsha u tshila, tshifhinga tsha vhugala nga maandesa! Vhanna vha zwikhathi zweṭhe vho ṭoda itshi tshifhinga. Vhaporofita vha kale vho ṭoda u vhona iyi awara, fhedzi vho vha vha songo tondwa.

⁶⁸ Zwino, ho vha hu na mutendi. Ngauri, o zwi vhona. O zwi tenda. “Ro kwengweledzwa tshoṭhe uri Iwe u Kristo, Mesia, Ipfi la Mudzimu la lino duvha, huno ri a zwi tenda izwo.” Ni a vhona, uyo o vha e mutendi wa vhukuma.

⁶⁹ Kha ri dzhie vhañwe vhatendi vha si gathi, nga u ṭavhanya, ri sa athu ya kha mubvumbedzwa a tevhelaho. Kha ri dzhie muporofita, Noaxe. Musi ene, e rabulasi khamusi, ḥańwe o vha e kha ayo mađuvha, rabulasi. Fhedzi musi vhagodi na vhadziavhurereli vha ilo ḫuvha... Tshivhidzo tsho swika kha u tsela phasi, huno Mudzimu o amba na Noaxe, huno a vhudza Noaxe uri u tea u fhaṭa gungwa. Noaxe na khathihi ho ngo ṭaṭa khani na Mudzimu nga ha izwo. O Li tenda, uri Lo vha li Ipfi la Mudzimu, huno a ya u shuma nga u ṭavhanya a tshi lugisa zwithu.

⁷⁰ Uyo ndi mutendi wa vhukuma. Ni songo ṭaṭa khani nga hazwo. Musi no kholwa lu sa timatimisi, izwo ndi zwone. U tou fana na muńwe muthu, luńwe lutendo, ińwe ndila. “Lutendo lu da nga u pfa.” Arali ni tshi kona u ima hafha, hu sa londwi zwine dokotela a ri zwo khakhea kha inwi! Zwine, munna o tea u ni ńea u ḫalusa tshivhangi tsha malwadze, huno hu na khonadzeo ya uri u a ḫivha zwine a khou amba nga hazwo, u ya nga hune izwi zwishumiswa na nđivho zwa do mu tendela u ḫivha, fhedzi u ri a hu na tshithu tsho salaho nga nn̄da ha lufu. Fhedzi, inwi rabelani, huno no ima seli kha tshifhinga tshi daho ni nga kona u vhona munna a re na mutakalo kana musadzi o ima heneffho. Ee, izwo ndi zwone. Huno izwo zwi tou vha zwone. Inwi ni do tshimbila heneffho ngomu ha izwo zwa vhukuma sa tshińwe tshithu, ngauri ni a zwi tenda. Mudzimu o zwi amba. Inwi ni a ḫivha uri zwo ralo.

⁷¹ Vhunga musadzi muṭuku a tshi khou hoṭola pfuko, ni a vhona. Ho vha hu si na u timatima ḫalukanyoni yaye, zwe zwa vha zwi tshi khou yo bvelela. Pfuko yo vha yo fa, huno ya vhofholowa, huno ya ḫutshela kule. Ni a vhona? Iyo ndi yone. Inwi ni a zwi tenda.

⁷² Vhunga uyo khotsi o disaho mutukana muṭuku wawe, tshikhathinya tsho fhiraho, ngomu heneffho. Huno u fhano

tshifhaṭoni huṁwe fhethu zwino. Mutukana muṭuku o vha na u xelewā, huno a xedza nyelelwo yawe. Ho ngo kona u elelwā tshiñwe tshithu. Nga zwikhathinyana zwi si gathi fhedzi, nga murahu ha thabelo, nda mu vhudzisa dzina ḥawē. O mmbudza, na uri o vha e wa vhukale hani, huno heneffo o vha a tshi tou vha nomala sa muñwe mutukana a tshi nga vha. Ni a vhona? Vha a tenda. Huno musi Mudzimu a tshi amba tshiñwe tshithu, tshi fanela u vha nga u ralo.

Huno Noaxe o tenda Mudzimu, huno Noaxe o vha a tshi dzhiwa e mutendi.

⁷³ Daniele, musi tshivhidzo tsho vha tshi vhuthubwani phasi ngei Babele, Daniele o tenda Mudzimu. Huno a hu londwi zwinzhi zwe vha zwi amba, “Ri do ita ndivhadzo. A vha nga do rabela muñwe mudzimu nga nn̄da ha itshi tshifanyiso tshi bvaho heneffo,” tsha uyu munna mūkhethwa, kana muñwe na muñwe aye a nga vha ene. Daniele ho ngo dzhieila tshenzhemeo izwo. O vha o no pfa Mudzimu, ngauri o vha e muporofita, huno Ipfi lo mu dela. Huno musi thembele i tshi kumedzwa, zwo ambiwa, “Arali muñwe munna a khomboni kha liñwe shango, huno a sedza ndila yawe u yela fhethu hukhethwa, huno a rabela, zwenezwo ipfa u Tađulu.” Huno Daniele o tenda Mudzimu. O vha e mutendi wa vhukuma, huno na ndau a dzo ngo kona u mu la. Huno izwo ndi zwone, ni a vhona, o vha e mutendi. O vha e na tshiñwe tshithu tsha vhukuma nahone tsha ngoho. O vha e mutendi.

Dafita, muñwe mutendi, mutukana o landulwaho nga vhatatu zwit̄uku.

⁷⁴ Daniele ho ngo dzhia fhethu na tshivhidzo tsha musalauno, nahone Noaxe ho ngo dzhia fhethu na tshivhidzo tsha musalauno. Na luthihi. Vho vha vhe vhatendi kha zwe Mudzimu a amba uri ndi Ngoho. A hu londwi zwe shango la musalauno la amba, vho tenda zwe Mudzimu a amba uri zwo vha zwi Ngoho. Avho ndi vhatendi vha vhukumakuma.

⁷⁵ U tou fana na Petro o ita, na vhaapostola, vho tenda uri O vha e na Ipfi la Vhutshilo nahone o vha e Ipfi la Vhutshilo. Ndi tenda zwenezwo zwithihi ḥamusi. Huno tshinwe tshithu tshiñwe na tshiñwe tshi hanedzanaho Naļo, a si tshone, ndi lufu. *Ili* li loṭhe ndi Ipfi la Vhutshilo, huno Kristo ndi Ipfi.

⁷⁶ Zwino, Dafita, muthu mutswuku. Fhethu ha u thoma, hu na khonadzeo ya uri o dobiwa nga vhakomana vhawē, ngauri o vha e muthu muṭuku. O vha a si muhulu lune a nga hwala tshiñhavhani. Ho ngo kona u ya nndwani, huno o vha e muṭukusa nahone e musekene. Huno, naho zwo ralo, o ya ngei nn̄da, sa mutendi.

⁷⁷ Huno musi o dzula murahu phangani (a tshi khou sedza dzone—dzone nngu dici si gathi dze khotsi awe vha mu nea dzone uri a dici sedze, nga gatho, kha shango line la vha na

dzindau na zwivhingwi na dziphele, na zwinwe-vho), Dafita a thoma u sedza mafulo madala o dalafhalaho, huno a divha zwe zwa amba kha nngu u dzula fhasi kha uyo murunzi, huno ya edela fhasi mufhisoni wa duvha; a divha zwe madi avhudzi, a rotholaho a amba zwone, vhunga o amba, “Vhunga tholo i tshi tulutshelwa mulambwana wa madi, myua wanga u tulutshelwa Íwe, O Mudzimu.” Ni a vhona? O vha o no lila, a rabela.

⁷⁸ Huno liñwe duvha nyimele ya tshihadu ya vuwa, ndau ya dzhavhula iñwe ya nngu dzawe, huno ya shavha. O elekanya, “Mudzimu we a nnyita muhulwane kha ndau!” Ni a vhona? Huno a dzhia gatho huno a wisela ndau fhasi, nga tombo liñuku li re kha gatho. Zwino, arali muñwe muthu o vhuya a vhona ndau, iñwe ya idzo ndau dza Afurika, ndau dza mitsinga mihulu ya wulu dzine vha vha nadzo ngei Palestina na Asia, vha do divha uri iñwe ya idzo phukha yo vha i mini. Musi, bodelo la veini lihuluhulu la mađana mararu li nga si kone u mu wisela fhasi, huno a mu wisela fhasi nga tombo. Huno musi ndau yo vuwa ya mu pandamedza, a i fara nga dzindebvu huno a i vhulaha. Itsho ndi tshone tsho itisaho uri a divhe zwe a vha a tshi khou amba nga hazwo; o vha e na tshenzhemo. O vha o no lingulula Mudzimu, nga ha Ipfi Lawe.

⁷⁹ Huno o—o vha a sa ofhi Goliada, ngauri, o vha a songo rubiswa. O vha a si mutendi, na luthihi; huno musi Goliada a tshi bva huno a mu sema nga dzina la midzimu yawe.

⁸⁰ Huno Goliada, zwifhinga zwinzhi zwihulwane u fhira ene; muthu muhuluhulu, minwe ya intshi dza fumiña khae. Zwino, minwe yo vha i tshi do lapfa *zwingafho*, ni a vhona, minwe ya intshi dza fumiña, swole. Huno nga khonadzeo badzhi i re na rinngi dza methala ye a vha o i ambara, nga khonadzeo yo lemela mađana mararu a dziphaundu, kana dzo engedzeaho, ni a vhona, ye a vha o i ambara. Gondolo, na tshihulwane...nga khonadzeo methala ya vhudenya ha intshi na hafu. Liswonda lihuluhulu nga u ralo, a tshi khou tshimbila na—na nelete ya murungi ine ya vhilwa u toda u vha fithi dza fumbili. O vha e na pfumo la fithi dza fumbili tshandani tshawe. Zwino naa muñwe muthu o vha a tshi nga kona hani....Munna o raloho o vha a tshi nga tou ima huno a doba vhanna vha dazeni, huno a vha posa nga *iyo ndila*, musi vha tshi da. Ndi swina-de nandi!

⁸¹ Huno heneffo o vha e hone, o ima heneffo, a tshi khou dihudza nga ene muñe, a tshi zuwa. Musi...hu tshi vhonala unga nyimele dzi fhasi, inwi ni a vhona, a ri, “I ri ni...Ni songo vha na malofha ane na shulula.” Ha pfi, “I ri ni—i ri ni muñwe munna a de a lwe na nne, huno zwenezwo arali nda wina, zwenezwo vhoinwi ni a ntshumela; huno zwenezwo arali—arali—arali ni tshi wina, zwenezwo ri do ni shumela.” Ni a vhona, musi diabolo a tshi elekanya uri u na uri a nga wina kha inwi, ni a vhona, izwo ndi musi a tshi takalela u zuwa hawe. Fhedzi o ḥangana na munna a si ene. O ḥangana na munna

muṭukusa shangoni, muṭuku, wa mahađa o hovhamaho, muthu a vhonalaho o tswuka.

⁸² A ri, “Naa ni amba u mmbudza uri inwi, yone—yone mmbi ya Mudzimu a tshilaho, i ḍo ima heneffo huno ya tendela uyo Mufilista a songo rubaho u nyadza mmbi ya Mudzimu a tshilaho?” Mulandu, zwo mu akhamadza! Ndi ngani? Ndi ngani? O vha e mutendi. Vhañwe vho vha vhe vhahoi. Ni a vhona? Ni a vhona, o vha e mutendi wa vhukumakuma. O ri, “Arali ni tshi ofha, ndi ḍo ya nda lwa nae.” Ni a vhona? Ndi khaeddu-de kha munna muṭuku wa u ralo! Huno ngauralo o vha e mutendi, huno o ita kokotolo zwe a divha uri Mudzimu u ḍo ita. Ndi ene . . .

⁸³ Musi uyo Mufilista a songo rubaho a tshi mu sema nga dzina ṥa midzimu yawe, o ri, “Naa ndi mmbwa; phukha thukhu ya ḥwana i tshi bva nga u ralo? Mulandu,” ha pfi, “ndi ḍo u doba nga magumo a pfumo ḥanga, huno ndi ḍo u nembeledza heneffo ḥtha kha muri huno nda tendela zwinoni zwi tshi ṥa ḥama yau.” Yawee, nne-nne! Oo, o vha e muthu o vhifhaho nandi!

⁸⁴ Dafita a ri, “Iwe u ḥangana na nne nga banga na pfumo, nga tshiṭhavhani. Iwe u ḥangana na nne nga dzina ṥa Mufilista. Fhedzi, ndi ḥangana na iwe ndi si na banga kana pfumo, tshiṭhavhani, fhedzi ndi ḥangana na iwe nga Dzina ṥa Murena Mudzimu wa Israele.”

⁸⁵ Heneffo ni hone. Uyo ndi mutendi. Ilō ndi dzhavhelo ḥawe. Itsho ndi tshiṭangu tshawe. Uvho ndi vhupileli hawé. Amene! Uvho vhu fanēla u vha vhupileli ha Tshivhidzo. Mutendi muñwe na muñwe, Uvho ndi vhupileli hawé. A hu londwi zwine zwa itea, zwine shango ṥa amba, tshiñwe tshithu-vho, vhupileli hanu ndi Murena Mudzimu wa Israele. Uvho ndi hone. “Dzina ṥa Yesu Kristo ndi thawa ya maanda, vho lugaho vha gidimela khayo huno vha a tsireledzea.” Uvho ndi vhupileli hashu, ndi Yesu Kristo.

⁸⁶ Dzhielani nzhele, huno musi zwi tshi khunyelela, ri a divha zwe zwa bvelela. Dafita, hu si na hune a nga rwa nga nn̄da ha afho fhethu hutuku huthihi musi o wisela fhasi tshiputeli tshawe—tshawe—tshawe kha tshifhaṭuwo tshawe. Fhethu huthihi ha u rwa ho vha hu heneffo kha phanda yawe. Huno a sa athu swika kha vhuñwe vhukule u ya kha li—liswonda, Mudzimu a livhanyisa luswayo lwa u vhulaha, huno a vhulaha liswonda. Ni a vhona? Mudzimu o zwi ita. Zwino, ri dzhiela nzhele uri o vha e mutendi.

⁸⁷ Zwino, muñwe mutendi o vha e Abrahamu, huno o vha e wa . . . Mukaladea wa mudi wa Ur. Huno o vha o vhidiwa uri a ite tshiñwe tshithu tshe tsha vha . . . huno a tenda tshiñwe tshithu tshe tsha vha tshoṭhe-tshoṭhe, nga lwa ḥama tshi sa konadzei. “Fhedzi ho ngo dedeleka kha pfulufhedziso ya Mudzimu nga kha u sa tenda,” hu amba Vharoma 4, “fhedzi o vha o khwātha, a tshi khou ḥea thendo kha Mudzimu.”

⁸⁸ Musi Abrahamu o vha e na miñwaha ya fusumbēthanu nga vhukale, huno mufumakadzi wawe e na miñwaha ya furathiñhanu nga vhukale, huno vho vha vha tshi khou dzula vhothe u bva musi vha tshee vhatukana vhaswa. Ho vha hu khaladzi awe wa hafu; mutukana muswa na musidzana muswa. Huno izwo zwe vha zwi, vho dzula vhothe, vha si na na vhana na luthihi. Huno Mudzimu a vhudza Abrahamu, “Difhandekanye na vha u sa tenda.” Mudzimu tshifhinga tshothe u a vhidza uri hu bviwe kha, phandekanyo. “Difhandekanye na vha sa tendi huno u tshimbile na Nñe, huno Ñdo u ita khotsi a tshaka nnzhi. Ndo no zwi ita.”

⁸⁹ Abrahamu o zwi tenda. Uyo ndi mutendi. “Naa u khou yo zwi ita hani, Murena?” ho ngo vhudzisa mbudziso na khathihi. Mudzimu o ri U do zwi ita, huno izwo zwe zwi ladza.

⁹⁰ Musi niwedzi wa u thoma wo fhira, huno Sarah o vha a tshi kha di . . . O vha o no fhira mañambo. “Hu na tshinwe tshithu tsho fhambanaho?”

“A hu na tshithu.”

⁹¹ Fhedzi Abrahamu o di zwi tenda. Nga murahu ha miñwaha ya fumbiliñhanu, ho vha hu si na na phambano, fhedzi Abrahamu o vha a tshi kha di zwi tenda. Uyo ndi mutendi. Uyo a si muhoi. Uyo ndi mutendi. Nga murahu ha miñwaha ya fumbiliñhanu, Abrahamu o vha o khwañha u fhira zwe a vha e zwone tshifhingani tsha u thoma. “O tenda Mudzimu, huno a vhalelwu uri o luga.” Ngauri o te . . . Uyo ndi mutendi wa vhukumakuma.

⁹² Zwino, nga murahu ha tshikhathinyana ndi khou yo ni tendela u ñola huno na vhona kilasi ine na vha khayo.

⁹³ Zwino Abrahamu o ita mini? “Ho ngo dedeleka kha pfulufhedziso ya Mudzimu,” zwi sa konadzei.

⁹⁴ Naa munna wa miñwaha ya fusumbēthanu nga vhukale, na mufumakadzi wa furathiñhanu nga vhukale, a nga itani, arali vho ya kha dokotela huno vha ri, “Ri ñoda u ita ndugiselo, sibadela. Ri khou yo vha na lushie”? Huno zwenezwo, nga murahu ha miñwaha ya fumbiliñhanu, vha ri, “Doc, u kha di vha wo vula sibadela?” Ni a vhona? Ni a vhona?

⁹⁵ Zwi ni ita uri ni ite nga ndila i seisaho. Tsheo dzañu a dzi pfesesei, kha shango. Fhedzi ndi mutendi, a hu londwi uri ndi zwisili hani. Bivhili yo amba, zwauri, “O vha o kwengweledzea tshothe uri Mudzimu u a kona u shuma zwe A amba uri U do ita.”

⁹⁶ Izwo zwi fanelu u vha u swikelela ha mutendi muñwe na muñwe masiari ano. Mudzimu u a kona u vhulunga Ipfi linwe na linwe le A amba uri U do ita. A thi londi zwine dinomineisheni dza amba, maipfi, “Mađuvha a mađembe o fhira, huno izwi zwothe ndi u vhala muhumbulo na zwothe, ndi u bvumba mashudu. Ndi . . .” A zwi na thaidzo kha nne zwine vha amba. Ndi kha di tenda. Arali itsho tshigidi tsho livhanyiswa na

gobane, tshi ḍo rwa gobane. Huno ndi a tenda arali mutendi o livhanyiswa na Ipfi la Mudzimu, u ḍo rwa zwenezwo zwithihi. Arali Ipfi la Mudzimu lo vhuya la zwi fulufhedzisa, li ḍo zwi ita hafhu. Ndi a kholwa tshoṭhe hezwo. Izwo, musi ri tshi vhona uri ri kha itshi tshikhathi musi tshi tshi tea u vha hafha, tshi tea u vha hafha. Izwi zwithu zwi tea u itea.

⁹⁷ Itsho ndi tshone tshi itisaho uri ndi tende uri musi uyo Muselwa a tshi vhidzelwa nn̄da na u nangiwa, huno a dzudzwa kha Bugu ya Vhutshilo, hu ḍo da mubvumo u bvaho Taḍulu une wa ḍo dzhia ndovhedzo ya Muya Mukhethwa yo raloho ngomu kha uyo Muselwa ine ya ḍo Mu dzhia kha liphasi, nga tshilidzi tsha U Takulelwa Taḍulu. Mudzimu o zwi fulufhedzisa. A thi londi uri ndi saints nngana, na uri ndi vhangana vhaendatshikhalaṇi vhe vha vha vho vha thola, na tshiñwe na tshiñwe-vho, na uri vha nga vhona milioni nngana dza maela; a thi londi tshithu nga ha izwo. Hu na Taḍulu, huno hu na Yesu Kristo o dzumbetshedzwaho Henefho a no ḍo da nga tshivhumbeo tsha muvhili u ṭanganedza Tshivhidzo Tshawe kha Ene muṇe. A hu londwi uri nganea i vhonala i ya kale hani, i kha di vha Ngoho. Mudzimu o amba nga u ralo. Izwo ndi—izwo ndi zwine vhatendi vha tenda.

⁹⁸ Mudzimu a ri, “Ndi nne Murena a fhodzaho malwadze au othe. Ndi nne Mudzimu huno A thi shanduki.” Amene! Huno Mudzimu ndi Ipfi. Huno arali Mudzimu a sa shanduki, naa Ipfi li khou yo shanduka hani? Ni a vhona? “Ndi nne Mudzimu, huno A thi shanduki.” Maṇwalo a amba izwo. Mudzimu o zwi amba, Ene muṇe. Huno arali A sa koni u shanduka, zwenezwo Ndi ene Ipfi. “U rangani ho vha hu Ipfi, huno Ipfi o vha e na Mudzimu, huno Ipfi o vha e Mudzimu.” Ipfi li sa shanduki! “Huno Ipfi a itwa ḥama, huno a dzula vhukati hashu.” Amene! Ee, muṇe wanga.

⁹⁹ Mudzimu o vusa mivhili, hoṭhe u tsa phasi; Mushe, na Hesekiele, na Yeremia, na Yesaya, na wa Eliya, hoṭhe phasi, hune Ipfi ḽawe la da lwa tshifhinganyana. Fhedzi Ipfi nga vhudalo lo itwa lo vhonadzwaho kha uyu Munna Yesu Kristo. Zwine, O vha e Mudzimu nga—Mudzimu nga vhudalo ha Vhumudzimu muvhilini. Henefho A itwa ḥama. Ndi a tenda izwo, Ipfi linwe na linwe.

Yobo, muṇwe mutendi.

¹⁰⁰ Nga tshiñwe tshifhinga, vhatendi vha tshi lingiwa. Hu si tshiñwe tshifhinga; tshifhinga tshiñwe na tshiñwe! “Ngauri murwa muṇwe na muṇwe a no da kha Mudzimu u fanela u rwiwa, u lingiwa, u pfumbudzwa sa ḥwana.” Elelwani, milingo, ndila dza mabuse, ḫuvha li phisaho la mutovholo, fhedzi u fulufhedzea ha mbilu yaṇu hu divhitha ayo matheriala u swikela a tshi lugela u dzhena kha tshivhumbeo. Vhana vha Mudzimu vha a itwa nga ndila yo teaho kha Ipfi ḽaweh, ngauri ndi vhone tsumbo dzi tshilaho, huno Ipfi la Mudzimu li tshilaho nga

khavho. Ni a vhona? Mulingo u da u ni dzinginyisa, u ni vhea heneffho fhasi, u vhona hune na do ima. Vho linga, kha murwa muñwe na muñwe a ñaho ha Mudzimu.

¹⁰¹ Yobo o ya nga kha dzitsengo na milingo. Vhana vhawé vha dzhiwi; tshiñwe na tshiñwe-vho tsha dzhiwi. Mirado ya tshivhidzo i a ña, ya mu sema nga nthani ha u vha muitazwivhi wa tshipphiri, huno a lingedza u amba tshiñwe na tshiñwe a tshi hanedzana nae, fhedzi naho zwo ralo a si thetshesele zwiñwe zwatsho. O zwi ñivha uri o swikelela thodea dza Mudzimu. O zwi ñivha uri a hu na thodea ya Sañhane u lingedza u mu linga. O zwi ñivha uri ho vha hu diabolo. Huno tenda Sañhane a tshi nga kona u mu ita uri a tende uri vhulwadze hawé ho vha hu Mudzimu wawe a tshi khou zwi ita, o vha na Yobo a rwiwa. Huno musi Yobo o rwa iyo nzumbululo luthihi, ya uri ho vha hu si Mudzimu! O vha a tshi khou fhira nga kha tsengo dzawé u mu ita tshiñwe tshithu. Ho vha hu si Mudzimu a no khou zwi ita. Ho vha hu Sañhane a no khou zwi ita.

¹⁰² Huno zwithu zwenezwo zwithihi namusi. U do lingedza u ni vhudza idzi tsengo huno tshithu Mudzimu wañu u khou lingedza u vhea phanishimennde kha inwi. A zwo ngo ralo. Hai, muñe wanga. Ndi Sañhane a no khou ita izwo, huno Mudzimu a no khou zwi tendela, u ni levhela; u mi ita uri ni vhone arali no—no vhofhelelwa kha ili liphasi, nga mbilaelo dza liphasi, kana uri arali lupfumo lwañu lu ngei Tañulu. “Ngauri huñwe na huñwe hune lupfumo lwañu lwa vha hone, heneffho ni hone na inwi.” Izwo ndi zwone. Mbilu yañu i hune lupfumo lwañu lwa vha hone.

¹⁰³ Yobo, o lingedza, naho zwo ralo a ri, “Ndi a ñivha uri Murengululi wanga u a tshila; kha maduvha a u fhedzisela U do ima kha liphasi. Naho nga murahu ha mbungu dza lukanda lwanga dzi tshi tshinyadza muvhili wanga . . .”

¹⁰⁴ Naa no dzhiela nzhele? Mbungu dza lukanda dzo vha dzo no di vha khae. Mbungu dza lukanda lwañu dzi kha inwi. Inwi ni kha bogisi lo shatelwaho li si na maya ngomu halo, kana nga iñwe ndila, fhedzi mbungu dza lukanda dzo no vha henengyeo. Dzi heneffho kha inwi, huno dzo no di lugelwa u vhidzwia kha mushumo tshifhinga tshiñwe na tshiñwe. Elelwani Kesara, o sinela heneffho tshitaratani. Mbungu dza lukanda dzo mu la, heneffho tshitaratani, mbungu dza lukanda lwa ene muñe. Dzi heneffho, dzo lugela.

¹⁰⁵ “Naho nga murahu ha musi mbungu dza lukanda lwanga dzo no tshinyadza muvhili wanga, naho zwo ralo ñamani yanga ndi do vhona Mudzimu.” Amene! Inwi ni nga si kone u zwi tshinyadza. Naho mbungu dza lukanda dza u la, u kha di do dovha wa vhuya murahu. “Naa ndi nnyi ane nda do mu vhona. Maño anga a do vhona, huno hu si muñwe.” O zwi amba, Yobo. Ndi ngani? O vha e mutendi. Kha dzitsengo o vha e mutendi. Kha mutovholo, o vha e mutendi. O vha e mutendi wa vhukumakuma.

¹⁰⁶ Yosefa, muñwe mutendi, ho ngo kona u dithusa kha zwe a vha e zwone. O vha e muporofita. Mudzimu o mu ita muporofita. Ho ngo ḥoḍa u vha o fhambanaho na vhakomana vhawe, fhedzi o vha o fhambana. Mudzimu o mu ita zwe a vha e zwone. A hu na muñwe muthu-vho we a vha a tshi nga dzhia fhethu hawē.

¹⁰⁷ A hu na muñwe muthu ane a nga dzhia fhethu hañu, a hu londwi uri ni muñku hani. Inwi ni ri, “Ndi tou vha mufaramuṭa.” A hu na muthu ane a nga dzhia fhethu hañu. Mudzimu, kha ekonomi Yawe khulwane, o zwi tea ngauralo, Muvhili wa Kristo, nga nzudzanyo, u swika hu si na muñwe ane a nga dzhia fhethu hañu. Nga ndila ine nda do takalela u dzhia fhethu ha Billy Graham, muñwe wa vhashumeli vhashu, fhedzi ri nga si kone u swi ita; fhedzi, itonu elelwa, Billy a nga si kone u dzhia fhethu hashu. Ni a vhona, roṭhe ri na fhethu, vhañwe vhashu ri vhaevangeli, vhañwe vhaporofita, vhañwe vhadededzi, vhañwe vhafunzi, zwinwe na zwinwe zwine ra vha zwone; vhañwe vhafaramiṭa, vhañwe vhomekhanikhe, vhañwe vhorabulasi, zwinwe na zwinwe zwine zwa vha zwone, Mudzimu o ni vhea fhethu hañu. Ni a vhona?

¹⁰⁸ Yosefa o vha e muporofita. Ho ngo kona u sa ita ngauri o vha a tshi kona u ṭalutshedza miloro. Ho ngo kona u sa ita ngauri o vhona mabono. Sedzani uri o vha e wa ngoho hani. A hu londwi arali zwi tshi nga fhelisa vhułedzani hawē na vhakomana vhawe, o vha e wa ngoho, ngauri o tenda iyo miloro. O tenda uyo, muloro we a vha e nawo, wa uri vhoṭhe vha do mu gwadamela, khulane dzi do ralo. Zwi da zwa khunyelela ngauri o zwi tenda. O vha e mutendi wa vhukumakuma. Hani . . .

¹⁰⁹ Ndi na miniti miṭanu; na masiaṭari a fumi, dzhielani nzhele zwino, dzhielani nzhele, zwa Luñwalo lwo ñwalwaho hafha. Musadzi . . .

¹¹⁰ Nathanaele, o vha e mutendi. Naa izwo ndi zwone? Nathanaele, musi a tshi vhona zwo iteaho; huno zwa shuma khae, uri Yesu o mu vhudza uri o vha e nnyi, huno a ri o vha e—ene “Muisiraele nga ngoho,” huno ho vha “hu si na vhufhura” khae, huno a mu vhudza uri o vha e ngafhi ḫuvha la phanda ha ilo, “a tshi khou rabela phasi ha muri.” O mu vhona musi—musi Filipo o mu vhidza. O vha e mutendi.

¹¹¹ Hu na vhanzhi vho imaho heneffo, a ri, “Uyu ndi myua wa diabolo. Diabolo u ita phodzo ya Muya.” Uyo diabolo wa kale ha athu fa na ḥamusi. Vha tenda uri diabolo u ita phodzo ya Muya.

¹¹² Yesu u ri, “Arali Saṭhane a tshi kona u pandela Saṭhane, zwenezwo muvhuso wawe wo fhandekana, huno muvhuso u nga si ime.” Ni a vhona? Saṭhane o amba, kha . . . A nga si kone u zwi ita. Ngauralo, Saṭhane a nga si kone u pandela Saṭhane.

¹¹³ Ngauralo Nathanaele o vha e mutendi. Huno musi o vhona Ipfi lo itwa nama, zwo khwaṭhiswa uri o vha e mutendi, a ri, “Iwe . . . Rabbi, Iwe u Kristo. Iwe u Khosi ya Isiraele.” O zwi tenda.

¹¹⁴ Musi musadzi we a vha e tshisimani a tshi zwi vhona, o zwi tenda. Ndi mutendi.

Musi Baratimeo wa bofu... Musi musadzi a tshi fhira henefho...

¹¹⁵ Muñwe na muñwe o vha a tshi khou lila, a tshi khou bvela phanda. Vhanwe vhavho vha tshi ri, "Hu na tsho fhelelaho... Ndi a pfa uri U vusa vhafu. Hu na zwalo zwe dalaho ngavho hafna ntja; ida huno u vha vuse. Kha ri U vhone u tshi zwi ita." Ni a vhona, uyo diabolo muthihi we a ri, "Arali Iwe u Murwa wa Mudzimu, laya aya matombo a shanduke a vhe vhuswa." Onoyo muthihi a vhea nguvho u mona na tshifhañuwo Tshawe, a mu rwa kha thoho, a ri... fhiriselana lubada, muñwe kha muñwe, vha ri, "Zwino, arali U tshi do ri vhudza uyo o U rwaho, ri do U tenda." Ayo maswole, ni a vhona, vha tshi khou tambo Ngae. Ho vhonala hu tshi nga garaña ya mali yo vha i fhasi, Khae.

¹¹⁶ Fhedzi itonu elelwa, Mudzimu tshifhinga tshoñhe u vhuponi. Ni a vhona? U henefho o ñilugisa, nga tshifhinga tshiñwe na tshiñwe.

¹¹⁷ Zwino Yesu o ri, "Ndi nga kona u amba na Khotsi Anga huno nga u tñvhanya U ño Nthumela mmbi dza fumimbili dza Vharuñwa." Oo, naa Muruñwa muthihi o vha a tshi ño ita mini? Ni a vhona? Fhedzi, inwi ni a vhona, fhedzi O vha a tshi ño kona u rumela mmbi dza fumimbili nga u tou laya Hawe fhedzi. Fhedzi O vha e na mushumo we a vha a tshi tea u ita. O vha e na tshiñwe tshithu tshine a tea u ita. O ño tea u fhira nga kha hezwo.

¹¹⁸ Inwi ni na tshiñwe tshithu tshine na tea u ita. Mudzimu u na tshiñwe tshithu tshine inwi na tea u tshi ita. Ni nga ñi vha na malambilu na vhuñwe vhuleme, ni nga ñi vha na huñwe u shonisiwa, fhedzi ri a rabela uri ri zwi tnye? Hai. "Murena, nnzhie u mphirise nga khazwo, zwiñwe na zwiñwe zwi re zwone. Tshiñwe na tshiñwe tshi re tshone, u songo ntendela u zwi ponyoka. Arali zwe vhekanyelwa nñe, itou nñea tshilidzi tsha u fhira nga khazwo. Ndi zwenezwo fhedzi."

¹¹⁹ Zwino dzhielani nzhele, Bartimeo wa bofu, o zwi ñivha izwo. Vho vhudzwa, "Uyu ndi uyo Muporofita wa Galilea. Ndi ene Murwa wa Dafita. Ri a zwi tenda." Vhanwe vha vhatendi vha fanela u vha who mu vhudza izwo. "Riñe vhatendi ri a ñivha uri Ene ndi... uyo Murwa wa Dafita."

¹²⁰ Huno o ñivha, arali O vha e ene, O vha e Ipfi. Huno arali o ñivha uri O vha e Ipfi, o ñivha uri O kona u talukanya miñumbulo ya mbilu, ngauralo o lila, "Iwe Murwa wa Dafita, nkhatutshile." Vha sa tendi vho vha tshi khou huwelela *itshi*, na *itsho*, mirado ya tshivhidzo. Izwo a zwe ngo imisa Bartimeo wa bofu na luthihi. O ri, "O Yesu, Iwe Murwa wa Dafita, nkhatutshile!"

¹²¹ Thanwe Ho ngo kona u mu pfa. Fhedzi O zwi ñivha uri o vha a tshi khou lila, huno A ima huno a rembuluwa u mona

hoṭhe. Heneffo ho vha hu na mutendi. O ri, “Lutendo lwau lwo u tshidza.” Amene.

¹²² O amba izwo kha musadzi we a vha e na ḥombe, zwenezwo zwithihi, “Lutendo lwau.”

¹²³ Ngauri, o amba ngomu mbiluni yawe, “Arali ndi tshi nga tou kwama nguvho Yawe, ndi ḥo wana mutakalo.”

“Lutendo lwau lwo u tshidza.” Ni a vhona, o vha e mutendi.

¹²⁴ Izwo ndi zwenezwo zwithihi zwe zwa tshidza William Dauch, o dzulaho heneffo, liṅwe ḫuvha, e na u kundelwa ha mbilu ho fhelelaho, na vhulwadze ha mbilu, munna wa miṅwaha ya fuṭahenthijihi nga vhukale. “Lutendo lwau lwo u tshidza.” Ndi ngani? Ndi ene mutendi.

¹²⁵ Vhafunzi Tom Kidd hafha, nahone vha tshi khou ya ngomu ha yavho . . . kaṭukuṭuku, ndi a humbulela, u yela kha miṅwaha ya fuṭahe zwino, nga vhukale, tsini nayo. Huno musi o vha e na miṅwaha ya fusumbeṭahe nga vhukale, vho mu dzhia vha mu isa sibadela e na pfuko kha thanga ya tshinnani. Dokotela a ri, “Ha na tshikhala.”

¹²⁶ Fhedzi musi ro tshimbilela ngomu nga ayo matsheloni, ra vhona uyo khotsi muṭuku e na tshali kha mahada awe, o dzula heneffo, a tshi khou rwa rodwane ḫukhu, o vha a tshi ṭodou tangana ḫoho. O amba na mukegulu o dzulaho heneffo, a vhidza makhulu vha musadzi vhawé; a vha ḫivha, muniwe wa mirado yawe lwa miṅwaha. A ri, “Ni sedzea no tshena sa mahāda,” seli ha u elekanya hawé ha ḫalukanyo.

¹²⁷ Naho zwo ralo, musi Maanda a Mudzimu a tshi rwa lufhera, u a tshila madekwana a ḥamusi. Izwo zwo vha miṅwahani miṅa yo fhiraho. Munna a no ḥoda u vha na miṅwaha ya fumalo nga vhukale, huno hafha o dzula madekwana a ḥamusi, o takala lwo fhelelaho nahone e na mutakalo, u bva kha pfuko. Ni a vhona, hu si muhoi; mutendi! Izwo ndi zwone, tendani! U dzhia Mudzimu u ya nga Ipfi Ḫawé.

¹²⁸ Zwi tou fana na zwe Bartimeo wa bofu a vha e zwone. E bofu, fhedzi naho zwo ralo o ḫivha, arali a tshi nga kokodza tshenzhembo ya Yesu Kristo, u ḥo wana zwe a ḥoda.

¹²⁹ Musadzi o ḫivha, arali o vha a tshi nga kona u kwama nguvho Yawe, u ḥo wana zwe a vha a tshi ḥoda—u ḥo wana zwe a vha a tshi ḥoda.

¹³⁰ Tom o ḫivha. O vha e na lutendo, arali ndo vha ndi tshi ḥo mu rabelela, o vha a tshi ḥo wana zwe a vha a tshi ḥoda.

¹³¹ Naa ulwo a si lutendo lu fanaho lwe Mariṭa a amba, “Na zwino, Murena, tshiṅwe na tshiṅwe tshine Wa humbela Mudzimu, Mudzimu u do U itela tshone; mukomana wanga o ḫedela hangei, o fa, mađuvha manā tshaloni; fhedzi Iwe itou humbela Mudzimu, huno Mudzimu u do U itela zwone”?

Ha pfi, "Khaladzi au u do vuwa hafhu."

¹³² Huno a ri, "Ee, Murena, maduvhani a u fhedzisela, kha mvuwo, u do vuwa. O vha e mutukana wavhudi."

A ri, "Fhedzi Ndi nne mvuwo na Vhutshilo!"

"Ee, Murena, ndi a zwi tenda izwo, na nne-vho."

"Naa no mu swīta ngafhi?" Izwo ndi zwone. Zwo fhela. Ee, muñe wanga.

¹³³ Khosikadzi ya Tshipembe i a ña kha uyo murafho wa vha sa tendi, izwo ndi zwone, huno a ima henefho huno a tenda zwe a vhona u vha zwa Mudzimu. Bivhili yo ri, "U do vuwa nga duvha la u fhedzisela, na uyo murafho, huno a u hañula, ngauri o bva kha zwipiða zwa kule zwa shango u pfa vhuñali ha Salomo."

¹³⁴ Mushe o vha e mutendi. Naho o lingedza nga vhuñali, o no lingedza tshikimu tshiñwe na tshiñwe tshe a kona, fhedzi zwa si shume. O lingedza u bvisa Isiraele, o ñivha uri o vha o vhidzwa u zwi ita. O lingedza ndila ya matematiki. O lingedza ndila ya mmbi. O lingedza ndila ya pfunzo. O lingedza ndila iñwe na iñwe, fhedzi ya si shume. Fhedzi zwenezwo o dzhia ndila ya Mudzimu.

¹³⁵ Naa ho bvelela mini? Ho vha hu na Mulilo tshiñakaní henefho nñha, linwe duvha, we wa sa ñuwe. U bva henefho Ipfi lo amba nae, huno la ri, "NDI HONE." A si, "Ndo vha," kana, "Ndi do vha." "NDI HONE." Huno U kha di vha "NDI HONE." Ndi ene Ipfi, wa U Ya Nga Hu Sa Fheli, Ipfi la lini na lini.

¹³⁶ Mushe ho ngo timatima. Zwi kondaho zwi hanedzanaho nae, mupo muñwe na muñwe u hanedzanaho nae, tshiñwe na tshiñwe tshi hanedzanaho nae. Fhedzi, lubada lwo kombamaho tshanđani tshawe, o tsela phasi huno a dzhia lushaka lwoþe, a lu ñupelisa Lwanzheni lwo Faho henefho nnnda, huno a dzhia Isiraele a i isa shangoni lo fulufhedziswaho. Ndi ngani? O tenda Mudzimu. Ndi zwone. O vha e na . . .

¹³⁷ Uyo ndi mutendi. Ro vha ri tshi nga kona u dzula . . . Zwino ndo dzula hafu ya awara yanga kha vhatendi.

¹³⁸ Ndi na kilasi mbili dzo engedzeaho. Ri do þavhanya nga khadzo, ngauri a si dza ndeme, naho zwo ralo. Hai.

¹³⁹ Zwenezwo, tsha vhuñili, henefho hu ña a sa tendi. Kha ri ambe nga ha a sa tendi a tevhelaho. Naa a sa tendi u ita mini?

¹⁴⁰ Ri vhona mutendi (mini?) a tshi þanganedza Ipfi; lushaka luñwe na luñwe, murafho muñwe na muñwe, u bva ndilani yoþe u bva kha Noaxe, ndilani yoþe nñha. Ro vha ri tshi nga dzhia miñwedzi ya rathi ya mvuseledzo henefho kha izwo henefho, ri tshi ñisa vhabvumbedzwa. Vha a tenda. Mutendi ha vhudzisi. Mutendi u a Li tenda, hu sa londwi uri Li pfala hani kana zwe nnyi na nnyi-vho a vha nazwo u amba nga Halø, uri Li vhonala li sa konadzei hani.

¹⁴¹ Mutendi u a Li tenda, u tenda (mini?) Ipfi. Hu si ndaela; Ipfi! Hu si dinomineisheni; Ipfi! Hu si zwine muñwe muthu-vho a amba; zwine Ipfi la amba! Zwino, elelwani, uyo ndi mutendi. Mutendi ha vhudzisi. Mutendi ha ri, “Naa zwi nga vha hani? Arali ndi tshi nga ita uri Li ḥalutshedzwe!” Uyo ndi a sa tendi. Uh-huh. Ndi mutendi, uri, a hu londwi zwine La vha zwone, “Arali Li Ipfi, Ndi Ipfi! Izwo ndi ngoho.” Uyo ndi mutendi.

¹⁴² Zwino a sa tendi. Zwino ri a vhona zwine zwa . . . Ri do dzhia vha sa tendi. Ri a wanulusa uri vho ita zwothe zwavhudzi samusi vha tshi phaphathiwa muñanani huno vha vhidzwa vhafunziwa. Samusi (vhone) tshiñwe na tshiñwe tsho tshimbila zwavhudzi, vho vha vho luga. Fhedzi musi uyu Muporofita we vha mu tenda uri ndi muporofita, huno vha divha uri o vha, e a konaho u fhodza vhalwadze, na zwinwe-vho, naa O ita mini? Musi Ngoho ya vhukuma na u kaidza ho da, zwo fhambanaho na zwe vha tenda, vho kundelwa u dzhia Ipfi.

¹⁴³ Vho kona u dzhia madembe, huno vha a ita. Vho bva huno vha pandela vhodiabolo, vha rera Ipfi, huno vha di vha vha sa tendi. Mateo 10, O vha rumela nn̄da, vhavhili nga vhavhili, vha fusumbe, huno vha pandela vhodiabolo, u swika he Yesu a pembela, huno a ri, “Ndo vhona Sañhane a tshi wa vhunga tshedza a tshi bva Ṭadulu.” Ni a vhona, vho pandela vhodiabolo; Yudasí heneffo navho. Hafha hu da vha sa tendi.

¹⁴⁴ Fhedzi nga u ḥavhanya Yesu a tshi thoma u ri O vha e tshiñwe tshithu, uri O vha e “mvuwo,” O vha e “Vhutshilo.” “Naa ni do ri mini arali no vhona Murwa-muthu o gonyela hune A bva hone?”

¹⁴⁵ “Zwino, uyu Munna u khou lingedza u ri U bva Ṭadulu, izwo ndi zwinzhisa kha riñe. Ri nga si Li tende.”

¹⁴⁶ A ri, “Naa ndi mini? ḅama ine na khou amba nga hayo, a i vhuedzi tshithu. Ndi Muya une wa hanyisa.”

¹⁴⁷ Heneffo ni hone. Muya u hanyisa Ipfi. Ndi Muya, hu si ndaela. Muya, wa Muya Mukhethwa, u hanyisa Ipfi kha inwi, huno u a tshila, huno heneffo ni hone, inwi ni a zwi vhona. Nga lutendo ni a zwi vhona. Inwi ni a divha uri zwo ralo ngauri Ipfi lo amba nga u ralo, huno Muya u hanyisa Ipfi kha inwi. Heneffo ni hone.

¹⁴⁸ Zwino A ri, “Naa zwi do . . .” Huno nga u ḥavhanya ro ita izwi, ri a wanulusa, vha sa tendi, musi ni tshi amba tshiñwe tshithu tshine vha sa tendelane natsho, vha a bvela nn̄da kha inwi. “Ndi tou vha ndi si nga iti!” Oo, izwo zwi khou vha zwidenya nga maanda, kha shango la ḅamusi. Thomani huno ni tou amba tshiñwe tshithu . . .

¹⁴⁹ Vha kuvhangana ngomu. Ndi a dzhiela nzhele kha miñangano vha do kuvhangana ngomu, mavhuthu mahulwane, huno inwi na ima, na thoma u amba tshiñwe tshithu. Zwino, samusi . . . Vho tou dzula heneffo, vha tshi khou tou sedza, vho tou lindela. Zwenezwo nga u ḥavhanya inwi ni tshi ri, “Zwino,

Yesu Kristo o Ditalusa sa Mesia, ngauri O vha e Muporofita,” iyo dzhege yo no dala, i ṭutshela kule. Muñwe muthu...huno vha ṭutshela kule. Naa ndi mini? Vha sa tendi!

¹⁵⁰ Zwino inwi ni ri, “Inwi ni khou ita izwo.” A thi ralo. Ndi khou amba kokotolo zwine Bivhili ya amba hafha.

¹⁵¹ Vho vha vhe vha sa tendi, huno vha bvela nn̄da. Naho vho vha vhe vhafunziwa, fhedzi two—two vha two fhambana na zwe... Vha ri, “Izwi, ndi nnyi we a vha a tshi nga tenda tshithu tshi no nga Itsho?” Ni a vhona? Vho vha vhe Vhafarisei na Vhasadukei vhe vha bva, vha vha mirađo huno vha dzhena ngomu Nae.

¹⁵² Ngauri, ni a vhona, musi—musi tsha n̄tha ha mupo tshi tshi ṭaniwa, tshi bveledza tshaka tharu dzo fhambanaho. Tsho ita fhasi ngei Egipita. Tsho bveledza a sa tendi, mutendi, na muhoi. Tsho ita kilasi tharu dzothe. Ndo tou ñwala fhasi hafha, u swika ri tshi tou bvela phanda na phanda nga kha vhusiku, ri tshi zwi talutshedza, uri tshi hanı. Huñwe na huñwe, inwi ni a zwi wana, inwi ni a vha vhona avho vhararu. Tshifhinga tshothe nga iyo ndila, ni a vhona, inwi ni a vha wana.

¹⁵³ Zwino sedzani, avha vha fusumbe, vho bvela nn̄da ngauri a Lo ngo tendelana na zwe vha tenda uri two luga.

¹⁵⁴ A ri na muhumbulo u no da. Ndi zwe A amba! Inwi ni hana u elekanya hanu. Inwi ni tou amba zwine A amba. Uho ndi u bula ha vhukuma. *U bula* zwi amba u “amba zwenezwo zwithihi.” Arali ndo bula uri tshinwe tshithu tsho itea, ndi amba zwenezwo zwithihi two iteaho. Izwo ndi zwine u bula ha vhukuma ha vha zwone. “Huno Ndi Tshifhe Muhulu wa u dibula hashu.” Ni a vhona? U amba zwenezwo zwithihi zwe Mudzimu a amba, ni a vhona, izwo zwi zwi ita two lugaho, ngauri ni khou dovhola Ipfi la Mudzimu.

¹⁵⁵ Zwino dzhielani nzhele, vha fusumbe vho bva. Naa vho ita mini? Huno vho—vho bva nga u tou ri avho—avho a vho ngo tendelana. Havho—havho—havho vhuṭali, u diñwalisa kha tshivhidzo havho—havho ho do, ho vha—ho vha ho dalesa. Izwo two vha zwi zwinhisa khavho u elekanya, uri uyu Munna o imaho hafha, uri vha...Vhañwe vhatu vhothe vho tenda uri Uyo o bebwa lu si lwa mulayo. “O vha a si na pfanelo dza u Divhidza Mudzimu. Huno O vha a tshi tou vha munna.” Ha pfi, “A ri U kandeli mushumo wavhudzi une Wa ita, fhedzi ri—ri a U kanda ngauri Iwe, u Munna, u Diita Mudzimu.”

¹⁵⁶ Huno Ipfi lo amba uri O vha e Mudzimu. “Dzina Lawe li do vhidzwa ‘Mueletshedzi,’ ‘Mukololo wa Mulalo,’ ‘Mudzimu wa Maanda,’ ‘Khotsi wa Lini na Lini.’” Mañwalo avho eneo ane vha a vhala!

¹⁵⁷ Huno ñuvha lenelo le vha vha vha tshi khou imba Phisalema, Phisalema ya vhu22, “Mudzimu Wanga, Mudzimu Wanga, ndi ngani Wo Mpfuralela? Marambo anga a a Nzwondolola.” “A hu na shambo lithihi li no do vundea.” Luimbo lwonolwo lwe

vha vha vha tshi khou lu dovholola thembeleni, heneffo hu nembelela Tshithavhelo tshi tshi zhamba eneo maipfi e Dafita a a amba phanda ha miñwaha ya madana a malo, huno vho vha vho pofulesa u tshi vhona.

¹⁵⁸ Huno, qamusi, onoyo Mudzimu we a amba nga ha itshi tshikhathi u vhuponi u khou ita kokotolo zwe A amba uri U do ita, huno vho vha vho pofulesa u zwi vhona. Avho ndi vha sa tendi. Vha ya nnida huno vha ri, “Oo, a thi koni u tenda zwithu zwi no nga Izwo. A thi athu u pfa nga ha Izwo vhutshiloni hanga na khathihi!” A zwi iti phambano zwe na pfa. Bivhili yo amba uri Li do vha hafha, huno ndi Ipfi Lawe.

¹⁵⁹ A vha athu pfa nga ha Izwo, tshiñwe tshazwo, fhedzi Tsho vha tshi heneffo nga u tou fana. Ni a vhona? Izwo ndi zwone. Vho vha vhe vha sa tendi.

¹⁶⁰ U tou fana na zwe Efa a vha e zwone, o vha e wa vhurereli nga maanda, a hu na zwiñwe, ngauralo, fhedzi ho—ho ngo tenda Ipfi la ngoho. Huno o do diitela vhurereli, ngauralo a ita mañwe mañari a muhuyu, ni a vhona, fhedzi ho ngo shuma. *Vhurereli* zwi amba “tshifukedzi.”

¹⁶¹ Kaini o ita zwenezwo zwithihi. Kaini o kundelwa u tenda uri Izwo zwo vha zwo luga. O ri, “Mudzimu ndi mukhethwa, Mudzimu o qamba, nahone Mudzimu o naka. Ngauralo ndi do diwanelo maluvha, huno ndi do dzhia zwa ma—maluvha huno ndi do ita alitari yavhudzi, khulwane, huno ndi do—ndi do sumbedza qhompho yanga Khae. Ndi do vuwa phanda hayo, huno ndi do gwadama phanda Hawe huno nda luvha uyo Mudzimu. Huno ndi do vhea maluvha kha alitari, ngauri, inwi ni a qivha, khotsi na mme anga vho la mañwe maapula, muñwe mutshelo, ngadeni ya Edeni, huno itsho ndi tshone tshithu tshe tsha mmbvisa. Huno ngauralo, izwo ndi, ndi do humela murahu, ngauri ndi do zwi nakisa. Mudzimu a nga si tou rembulusela thembele yanga fhasi. Mulandu, ndi do vha khulusa ya thembele! Ndi do i nakisa nga maanda u swika i tshi kokodza tshenzhemmo ya Mudzimu.” Sathane ndi ene a no dzula kha lunako. Izwo ndi zwone kokotolo zwine Luñwalo lwa amba.

¹⁶² Itshe ndi tshone tshiitisi, nga tshiñwe tshifhinga, musadzi wa lunako ndi tshiunzwedzhi tsha Sathane. Arali a tshi nga tou mu fara, a nga kona u thwistela vhanna vho engedzeaho vhudzulavhafu u fhira zwine a nga kona nga bara dzothe dici re shangoni. Izwo ndi zwone. Ni a vhona? Kana, wa tshivhumbeo tshavhudzi, muñwe munna muhulwane wa tshivhumbeo tshavhudzi ane a si nga do—a si nga do ima nga vhungoho hawe ha vhunna, ni a vhona, hafhu, a nga kona u levhudzela avho vhasadzi kha diabolo, na u vha rumela vhudzulavhafu. Ee, muñe wanga.

¹⁶³ Dzhielani nzhele, Sathane u dzula kha lunako. Naa o lingedza u ita mini mathomoni? U ita muvhuso wo nakaho lwo

engedzeaho u fhira wa Mikaele; a sudzulutshela ngei Devhula, huno a dzhia zwivhili zwararu zwa Vharuñwa.

¹⁶⁴ Ni a vhona uri o vha e murwa wa nnyi—wa nnyi we a vha e hone tshifhingani itsho, we a vha e na iyo mvelo khae? Murwa wa Sañhane. Zwa vhukuma, o vha e ene. Zwino a fhaṭa aliṭari, huno a gwadama fhasi huno a luvha. A ya nga kha tshiñwe na tshiñwe tshe (Kaini) Abele a ita.

¹⁶⁵ Fhedzi Abele o divha uri zwe vha zwi si izwo. O . . . Ho vha hu malofha e a vha bvisa. O divha uri izwo zwe vha zwi zwone. Ho vha hu vhudzekani, malofha. Ngauralo a dzhia phukha ḥukhu, huno a i nekedzela kha tombo, huno a rema mutsinga wayo.

¹⁶⁶ Dzhielani nzhele Kaini, ene . . . Mudzimu o mu vhudza, A ri, “Ndi ngani u sa luvhi vhunga murathu wau, huno u do ita zwe the nga ndila yo teaho. U do ita zwavhuḍi arali u tshi do ita izwo.” Fhedzi, hai, o divha zwinzhisa nga hazwo. Ni a vhona, o landula tsha vhubvo, Ipfi lo khwathisedzwaho. Arali avho vha si vhana vhawe ḥamusi! Ni a vhona?

¹⁶⁷ Zwino sedzani, “Mudzimu o ḥanziela,” Bivhili yo amba. Vhaheberu ndima ya vhu4, kana ndima ya vhu11, “Mudzimu a tshi khou ḥanziela nga ha tshifhiwa Tshawe, uri o vha o luga.” Mudzimu o khwathisedza tshithavhelo tshawe. Mudzimu o sumbedza uri itszo tsho vha tshe A tshi ḥanganedza; ilo lo vha li Ipfi Lawe, pułane Yawe.

¹⁶⁸ Huno a vhudza Kaini, a ri, “Ita zwenezwo zwithihi, huno u tshile.” Fhedzi ni elekanya uri u do ralo, u do naledza muhumbulo wawe? Hai, muñe wanga. O vha e a sa tendi, huno o tshimbila a ya nn̄da. Izwo ndi zwone. Kaini o ita zwenezwo zwithihi. Nimirodo o ita zwenezwo zwithihi. Vha sa tendi! Ho ngo tenda.

Belteshadzara, zwenezwo zwithihi, naho, kana . . .

¹⁶⁹ Nebukadanetsara, naho a na Daniele sa mudzimu wawe, o mu vhidza Belteshadzara, le la vha li dzina la mudzimu wawe, o vhona Daniele a tshi ita mishumō mihulwane ya Mudzimu. Huno zwenezwo a divha uri—uri Belteshadzara o tenda, kana uri Daniele o vha e mudzimu, ngauralo a mu itela tshifanyiso, huno a tshi vhea ngei nn̄da huno a ita uri muñwe na muñwe a tshi luvhe, na zwiñwe-vho. Ni a vhona, muvhuso wa Vhannđa u dzhena ngomu nga u kombetshedza u luvha tshifanyiso tsha munna mukhethwa, huno muvhuso wa Vhannđa u bva nga u kombetshedza tshifanyiso tsha munna mukhethwa, ni a vhona, nga ndila i fanaho.

¹⁷⁰ Huno ho vha hu na muñwalo kha luvhondo, ndimi dzi sa divhei, mathomoni a muvhuso wa Vhannđa, uri hu songo vha na ane a vhala nga nn̄da ha uyo muporofita. Huno hu na muñwalo kha luvhondo ḥamusi, izwo ndi zwone, “Ichabod,” uri vhugala ha Mudzimu ho no ḥuwa kha izwo zwithu. Huno muñwalo u kha luvhondo huno u nga kona u vhalwa nga ḥalukanyo ya tshimuya

i no tenda kha zwithu zwa tshimuya, zwo bebwaho nga Muya wa Mudzimu.

¹⁷¹ Belteshadzara u a bva huno a wana iyi midzio ya Murena, u nwa veini ngayo. Ndi ngani? O vha e a sa tendi. O elekanya uri o vha e mutendi, fhedzi o vha e a sa tendi. Ni a vhona, izwo ndi zwone, ho ngo tenda Ipfi.

¹⁷² Ahaba, o vha e a sa tendi, naho o—o difara vhunga o vha a sa khou ralo. Hai, hai, o vha e vhukati ha vhatendi, fhedzi o vha a sa tendi. Naa o ita mini? O mala a gwadamelaho mudzimu usili, huno a hu disa, u gwadamela mudzimu usili, heneffho kha Isiraele. O vha a sa tendi. Ri a zwi divha izwo.

¹⁷³ Vha hana Ipfi la Mudzimu lothe u vha ngoho. A sa tendiho ndi, ni a vhona, zwino elelwani, ndi muhoi. Huno u—u difara nga u ralo, u ri u a Li tenda, fhedzi u a Li hana. O ri, “Zwo luga, vhunzhi Haço ho luga.” Fhedzi arali lothe li si lone, zwenezwo izwo zwi mü ita a sa tendi. Inwi ni tea u tenda kuswayo kuñwe na kuñwe kutuku na dotho kuñwe na kuñwe, na tshithu tshiñwe na tshiñwe tshi no khou ambiwa ngomu Heneffho. Ku tea u vha ngoho. Arali ku si ngoho, arali ni tshi ri zwino, “A thi tendi Illo,” zwo luga, zwenezwo ni a sa tendi.

¹⁷⁴ Hu na munna we a ri kha nne, nga tshiñwe tshifhinga, mu—mushumeli a ri, “A thi londi, Who-Branham, ndi vhangana vhatu vhane ni nga kona u bveledza avho—avho vhe na ri vho fhola, ndi nga si zwi tende.”

¹⁷⁵ Nda ri, “Zwa vhukuma hai, ni nga si kone u zwi tenda. Ni a sa tendi. Lo vha li si lañu. Ndi la vhatendi fhedzi.”

¹⁷⁶ Inwi ni tea u Li tenda. Ni a vhona? Huno a vha Li tendi. Ngauralo musi ni tshi vhona muthu kha izwo, Paulo o amba zwavhudzi nga ha vhaporofita, a tshi ri vha do vha “vha no dihudza, vha no tonga, vha funaho u diphina u fhira u funa Mudzimu; vha na tshifanyiso tsha u nga vha ofha Mudzimu, fhedzi vha tshi landula Maanda heneffho, Maanda a Ipfi; sendela kule havho.” Dzhielani nzhele, vha hana Ipfi lothe, fhedzi kha tshivhumbeo tshiñwe na tshiñwe ndi vha vhurereli. Ndi vhone vha sa tendi kha Ipfi la ngoho, naho Li tshi khwathisedzwa.

¹⁷⁷ Hothe nga kha tshikhathi tshiñwe na tshiñwe, Mudzimu o khwathisedza Ipfi la avha vhatu vhe nda amba nga havho, Noaxe, na u tsa fhasi nga kha Mushe, na vhaporofita vhothe, na vhañwe. Mudzimu o amba nga kha zwa nt̄ha ha mupo huno a khwathisedza Ipfi, huno naho zwo ralo avho vhatu vho tshimbila vha bva Khaço.

¹⁷⁸ Huno hafha hu na avha vhafunziwa vho imaho heneffho, avho vha fusumbe, huno vha tshi khou sedza Yesu a tshi ita zwithu zwo A ita, huno a tshi divha Luñwalo, huno A tshi vha vhudza uri itsho tsho vha tshi tshikhathi tshine izwi zwa tea u itea. Huno zwenezwo musi O amba tshiñwe tshithu, “Murwa-muthu! Naa ni do ri mini?” Musi A tshi thoma u vha vhudza nga ha u vunda

tshinnkwa, na zwiñwe-vho, huno a ya phan̄a a tshi vha vhudza nga ha zwithu zwihiwlwane, zwa tshimuya.

Huno vha ri, “Oo, Ili ndi liambele li kondaho!”

¹⁷⁹ A ri, “Naa ni khou yo amba mini tshifhingani itsho arali, Murwa-muthu, ni tshi Mu vhona a tshi gonya Ṭadulu hune A bva hone?” Ha pfi, “Naa ndi ḥama, kana ndi Muya, u no tshilisa?” Ni a vhona?

¹⁸⁰ Huno zwenezwo vha tutshela kule, ha pfi, “Oo, Ilo, hai, ndi nga si kone u tenda Ilo.” Ni a vhona? Vho tshimbila vha bva, kha Ipfi. Vha nga si vhuye vha dzula u vhona zwi no itea. Uyo ndi—uyo ndi a sa tendi.

¹⁸¹ Vhone, naa vha ita mini zwenezwo? Ri a wanulusa uri vhone, zwine avha vhathu, avha vhatendi, vha no sokou pfi vhatendi, fhedzi nga zwivhumbeo zwa vhurereli, huno vha kundelwa u vhona Ngoho yo ṭaluswaho ya Ipfi la Mudzimu ngauri Li hanedzana na zwine vha tenda. Ni a vhona?

¹⁸² A zwi iti phambano zwine na tenda, uri ni fulufhedzea hani, uri ni wa vhurereli hani, kana, izwo a zwi na na tshithu na tshithihi u ita nazwo. Vhufulufhedzei, mulandu, izwo a zwi na tshithu u ita nazwo. Ndo no vhona vhathu vha tshi fhulufhedzea nga maanda! Ndo vhona vhahedeni vha tshi fhisa vhana vhavho, vha tshi kanzwa dzingwen̄a ngavho, vhomme vhe na vhushie havho. Izwo ndi zwi fhiraho zwine Mukriste a nga ita. Ni a vhona? Nga u fhulufhedzea vha a tenda, nga u fhulufhedzea, fhedzi vho vha tshi fhulufhedzea nga ndila yo khakheaho.

¹⁸³ Vhathu vha ri, “Zwo luga, itshi tshivhidzo tsho ima!” Izwo, ni fhulufhedzea nga ndila yo khakheaho, arali zwi tshi fhambana na Ipfi. “Zwo luga, zwino sedzani, a thi tendi kha tshithu tsha u ralo!” Musi, Bivhili yo amba uri Lo vha lo ralo, naho! Ni a vhona? “A thi tendi uri ri tea u ita Ili.” A thi londi zwine na elekanya uri a ni tei u zwi ita. Mudzimu o amba uri zwi fanela u itwa.

¹⁸⁴ “Izwi zwiga zwi do vha tevhela.” U swika ngafhi? “Kha shango lothe.” Nnyi? “Kha tshivhumbwa tshiñwe na tshiñwe.” Ni a vhona, zwi do vha nga u ralo! Hu si, “Zwi do vha nga u ralo?” Zwi khou do vha nga u ralo!

¹⁸⁵ Huno yuu Mulaedza wa awara une zwino ra diphina ngawo, Vhuhone ha Mudzimu, duvhani la u fhedzisela, tshifhingani tsha nga madekwana musi Zwedza zwi tshi khou penya, huno zwithu zwo pfunululwaho, huno Ipfi lo khwathisedzwa huno la phuruviwa u vha la Ngoho; vhothe vho porofita, zwa da zwa khunyelela, zwothe nga kha zwa saints na tshiñwe na tshiñwe, zwa phuruva uri Ndi lone, “Yesu Kristo a sa shanduki mulovha, na lini na lini.” Huno, munna u a tshimbila kha Ilo, ndi ene—ndi ene a sa tendi. U seli ha mafulufhelo. U na tshivhevhe nga maanda a Sañhane, ngauralo a hu na mafulufhelo khae. U seli ha mafulufhelo.

¹⁸⁶ Zwino izwo ndi mini? Mutendi; zwino a sa tendi; zwino kilasi ya vhuraru, ine ra khou amba nga hayo, ndi muhoi. Uyo ndi mutukana, muhoi! Zwino, elelwani, ngomu heneffo ho ima vhararu vhothe. Zwino, ri a wanulusa zwino, vha ita u tou fana na khotsi avho vha tshi ita, Yudasi.

Ho vha hu na Petro na vhañwe vhaapostola vhothe, vhatendi.

Ho vha hu na vha fusumbe, vha sa tendi.

¹⁸⁷ Huno ho vha hu na Yudasi, o nembelela heneffo, o vha e muhoi. Naa vha ita mini? Ulu ndi lushaka lu no dzula lwo farelela u swika vha tshi kona u wana tshinwe tshithu, khakho Khalo. Vha khou sedza tshifhinga tshinwe na tshinwe u wana khakho, u vhona uri zwi itwa hani, u vhona arali hu vhukwila, arali hu maano. Vho lindela u rengiswa. Vha khou ḥoda izwo.

¹⁸⁸ A sa tendi, ha vhuyi a lindela u mona hothe. O Li haṭula, huno a bvela nn̄da.

¹⁸⁹ Mutendi, a hu londwi zwi no bvelela, u a Li tenda, naho zwe ralo, ngauri Ndi Ipfi.

Ngedzo kilasi dzañu tharū.

¹⁹⁰ A sa tendi wa kale u do tshimbila a ya nn̄da, kha tshithu tsha u thoma tshi no ambiwa, ha tshi takaleli. Mukomana, u khou yo sumbedza mivhala yawe tshifhingani tshenetsho. Ndi ene a sa tendi. Paulo o ri, “Vho bva kha riñe, ngauri vho vha vha si vhashu, mathomoni. Vho thoma na riñe.” “Oo, no gidima zwavhuđi; naa ndi mini tsho ni khakhisaho?” Ni a zwi vhona? “Vho bva, ngauri vho vha vha si vhashu.” Musi vha tshi vhona Ipfi li tshi khou tshimbila lwo fhelelaho, mulandu, vho ḥoda u wana lñwe lushaka lwa maano e vha vha vha tshi nga a shuma. Ni a vhona?

¹⁹¹ Fhedzi vhatendi vha vhukuma a vha vhudzisi tshithu. Zwe ñwaliwa kha Ipfi, huno vha a Li tenda, huno vha sokou ya phanda. Izwo ndi zwone. Tshifhinga tshothe, zwe ñwaliwa. Arali zwi songo ñwaliwa, mulandu, inwi ni tou ḥutshela kule nazwo, a hu londwi zwine zwa bvelela. Zwi tea u ñwaliwa. Ni a vhona? Huno vha vhona ilo Ipfi lo ñwaliwaho huno vha a Li tenda. Huno vha vhona Mudzimu a tshi khou sudzuluwa kha Ipfi Lawe, vha vhona awara, Mulaedza, tshifhinga, huno vha tshimbila Nalo.

¹⁹² Vhunga ndo amba matsheloni ano, nga ndila ye Pilato wa kale a fanela u vha o tshimbila fhasi, vhusiku, e na luvalo Iwawe lu vhilaelaho, a tshi khou lingedza u dñanzwa. Huno a amba, nne-nne, musi hu si na u timatima urī o vhidzelela nga kha vhusiku, ha pfi, “Ndo—ndo—ndo no—ndo no ḥamba zwanda zwanga, vhusiku hothe, huno ndi kha di vha ndi sa koni u pfesesa. Ni a vhona, a zwe ngo kuna. Ndi nga si kone u ya nda ḥangana Nae; ndi na Malofha kha zwanda zwanga.” Yawee, nne-

nne! Ni a vhona, ni songo vha na mulandu wa izwo na khathihi. Ni a vhona?

¹⁹³ Zwi kha zwanda zwanu. Hu na ndila nthihi ine ni nga kona u Li bvisa; izwo ndi, Li t̄anganedzeni, izwo zwo luga, ivhani tshipida Tshalo. Izwo ndi zwe A vha o shululelwazwone.

¹⁹⁴ Zwino, muhoi u nembelela u mona hothe huno a difara nga ndila khethwa u ya nga hune a kona, fhedzi phasi mbiluni yawe u khou lingedza u wana zwine zwa vha—zwine zwa vha, inwi, ndila ine na zwi ita. Oo, arali shango li songo dala itsho tshipida, tsha vhahoi! Iina. Uyo ndi Yudasi. Izwo ndi zwone kokotolo. U nembelela u mona hothe, u vha tshipida tsha tshigwada; o vha e mufaragwama, ni a vhona. U ima u mona hothe, ene tshifhinga tshothe tshanda tshawe tshi vha tsho bvela tshelede. Inwi ni nga amba itsho, tshithu tshithihi, ene tshifhinga tshothe u vha a tshi khou rea tshelede, huno o bvisa tshanda tshawe u itela iyi. Huno ndi ene muhoi. U difara vhunga mutendi, fhedzi phasi mbiluni yawe...

¹⁹⁵ Inwi ni a elelwa, o vha a sa khou tambo nga Yesu. Nga murahu ha musi vha fusumbe vho no tuwa, huno vhatendi vho no ita tshimo tshavho; huno O rembuluwa u mona hothe kha vhatendi, O ri, "Hu kha di vha na tshiñwe tshithu kha inwi," ngauri ho pfi, "Ndo nanga vha fumimbili, huno muñwe wanu ndi diabolo." Yesu o divha, u bva mathomoni, ngauri O vha e Ipfi. O divha tshipiri tsha mbilu.

¹⁹⁶ Zwo vha zwi tshi kondà hani! Imani lwa muniti. Elekanyani nga ngo ho, lulapfu, lwa tswititi! Zwo fanela u vha zwo vha zwi tshi kondà hani kha Ene, a tshi khou tshimbila heneffho, huno munna a tshi Mu vhidza, "Mukomana," huno o divha tshifhinga tshothe uri uyo o vha e mufhuri we a vha a tshi khou lingedza u Mu dina, huno a Mu rengisa nga masetha a siliva a furaru. Zwo vha zwi tshi kondà hani u zwi fara khanani Yawe, huno khonani Yawe i tshi khou tshimbila heneffho. Nahone O ri, "Khonani," o vhidza Yudasi khonani Yawe, "naa A tho ngo vha na inwi, tshifhingani itsi tshothe?" A tshi divha mbiluni Yawe, huno a si kone u zwi amba. O divha, u bva mathomoni, uri u do vha nnyi a no do Mu ambulula.

¹⁹⁷ Hu na uyo muhoi ane a vha uri o tou lindela. U do imba ulwo, i ri ni, "Oo, ndi tenda *itsi*, huno ndi tenda *itsi*, huno ndi tenda *itsi*. Fhedzi, oo, inwi ni a divha, ndo pfa muñwe muthu a tshi ri ndi zwifhinga *zwikenenene*." Oo, ni a vhona, a tshi tou vha na ndevhe ndapfu.

¹⁹⁸ Mutendi wa vhukuma ha pfi tshithu nga nnnda ha Ipfi. Ndi zwenezwo fhedzi. U sedza Ipfi. Ha khou sedza dzikhakho. Ha khou sedza maano. U tenda Mudzimu, huno izwo zwi a zwi ladza, huno u tou dzulela u ya phanda. Ni a vhona? Heneffho hu na mutendi.

¹⁹⁹ A sa tendi u a dala nga muniti, huno a nga si dzule uri a kone u thetselesa Mulaedza lwa miniti ya fumi. U tea u takuwa huno a bva. Zwi hanedzana na ndaela yawe, huno u tou tea u sa ita nazwo, ngauralo u a bva.

²⁰⁰ Zwenezwo, muhoi u a nembelela, uyo Yudasi. Ni a vhona, uyo ndi mufhuri. Uyo ndi—uyo ndi mudzia-u-sa-fulufhedzea, arali ndi tshi tea u amba ipfi lo raloho. Yudasi, u a nembelela u mona hothe. Itshe ndi tshifhinga, nga tshiñwe tshifhinga, avha vhahoi vha a divhea nga maanda kha vhatu. Izwo ndi zwone, avha vhahoi, ni a vhona. Vhañwe vhavho ndi vhanna vha maanda, vho funzea, digirii ya dokotela, mbadelo khulu, tshiñwe na tshiñwe. Vhañwe vhavho ndi vhanna vhahulwane, vhavhuđi kha u pjesesa, u tou fana na vharwa vha Sañhane vha tshi do vha.

²⁰¹ Sedzani nga ndila ine Sañhane a da henefho n̄tha huno a tendelana na tshipida tshiñwe na tshiñwe tsha ilo Ipfi; o tou lindela u wana afho fhethu hu si na nungo kha Efa, u ya hune a nga kona u sumbedza maanda awe a u mu fhura, u mu ambulula. Uyo o vha—uyo o vha e Sañhane. Huno hafha Sañhane u hone, nga tshivhumbeo tsha Yudasi, kha itsho tshikhathi. Uyo o vha e Sañhane kha tshikhathi tsha u thoma. Naa o vha e mini? U tendelana na Ipfi u swika tshithu tshiñku tshithihi fhedzi; u khou lingedza u wana fhethu hune a nga wana u shaya nungo.

²⁰² Huno izwo ndi kokotolo zwine Yudasi a wana zwa zwino. U do da mułanganoni, huno a sedza henefho u mona hothe u swika a tshi kona u wana fhethu hułuku he, ene, “Oo, tshi henefho! Izwo ndi zwone!” Ni a vhona? “Oo, iyo ndi ndila ine zwa itwa!” Ni a vhona? Izwo zwi tou vha kokotolo.

²⁰³ Vhanzhi vha vhoiñwi ni a elelwa ngei n̄tha uvho vhusiku musi uyo munna a tshi da kha pulatifomo. O elekanya uri ho vha hu na u vhala muhumbulo wa u vhala garaña dza thabelo, na nga ndila ye a elekanya uri o no vha nayo tshifhingani itsho. Mukomana, o—o vha e na ngoho ya uri o vha e nayo. Huno u a da u mona hothe. O vha e wa tshivhidzo tshire tshi sa tende kha—kha—kha izwi, kha Mafhungo-madifha, Mafhungo-madifha nga vhudalo. Huno u da n̄tha kha pulatifomo. Ndo vha ndo neta. Vho vha vha tshi khou lugisela u n̄tuwisa.

²⁰⁴ Izwo zwe vha zwi kha Windsor, Ontario. Ngomu henefho, hu a u budekanya u bva—u bva United States henefho, henefho u budekanya u bva Detroit, ngei Windsor, oditoriamu khulu.

²⁰⁵ Huno uyu munna u da henefho o ambara suthu tsetha, na thai tswuku, munna a vhonalah o ćalifha, o thanya sa tshibigiri tshi re na thodzi ya vhuhalu. U da kha pulatifomo. Huno nda... A tshimbila. Huno nda ri, “Zwo luga, i ri ndi vhe na tshanda tshañu.” Nda ri, “Ndo neta; ndo vhona mabono manzhi nga maanda. I ri ndi vhe na tshanda tshañu.” Huno—huno a tho ngo dzhieila nzhele munna na khathihi. Huno a vhea tshanda

tshawe nt̄ha ha tshanga. Huno nda ri, “Muñe wanga, a hu na tsho khakheaho kha inwi. Iyani phanda.”

A ri, “Oo, tshi hone, nga maandesa.”

²⁰⁶ Huno nda ri, “Zwo luga, i ri ni ndi vhone heneffo.” Nda ri, “Hai, muñe wanga, a hu na na tshiga na tshithihi. Hai, muñe wanga, ni munna a re na mutakalo.”

A ri, “Iyani ni yo ḥoda garaṭa yanga ya thabelo!”

²⁰⁷ Nda ri, “A thi londi zwine na vhea kha garaṭa yanu ya thabelo.” Nda ri, “A thi na mushumo na garaṭa ya thabelo,” hu si u elekanya, inwi ni a vhona. Ndo vha ndo neta nahone ndo fhela nungo. Huno yanga... Fhedzi tshilidzi tsha Mudzimu, inwi ni a vhona, tsho vha tshi tshi kha ḫi vha hone.

²⁰⁸ Inwi ni a elelwa, arali A tshi ni rumela, ndi u kombetshedzea Hawe u ni londa. A si hanga; ndi Ene. O Hu rumela. Nñe ndi tou tea u ima kha zwi re ngoho.

²⁰⁹ Musi Mushe o posela lubada lwawe fhasi, lwo shanduka lwa vha nowa, huno vhadziamanditi vho ita zwenezwo zwithihi, zve Mushe a kona u ita fhedzi a ima heneffo huno a lindela tshilidzi tsha Mudzimu? Ndi zwenezwo fhedzi. Zwenezwo zwithihi. O tevhela milayo. Huno inwi ni a ḫivha zwe zwa bvelela, a ni ralo? Ni a vhona?

²¹⁰ Uyu munna o ri, “Zwino,” a ri, “i hone. Sedzani garaṭa ya thabelo yanga.”

²¹¹ Nda ri, “Zwo luga, inwi ni nga di vha no vha na lutendo lunzhi, huno ni nga di vha no zwi ita,” ni sa elekanyi, inwi ni a vhona. Ndo ita... ndi sa vhuyi nda dzhia tshenzhemo.

²¹² Zwenezwo a gunubulula badzhi yawe huno a sukumedzela nn̄da khana yawe. A ri, “Ni heneffo!” kha vhathtshelesi.

Huno nda elekanya, “Naa hu khou bvelela mini hafha?”

²¹³ A sedza u mona hothe. A ri, “Ni heneffo!” Ha pfi, “Ni a vhona maano?” Uyo ndi Yudasi wañu, munna wa vhurereli, mureri wa dinomineisheni khulwane. Ha pfi, “Ni heneffo! Ndo vha na ‘lutendo lunzhi.’ Zwino, u vho shaya nungo nga maanda, ha koni u vhala muhumbulo. Ni a vhona, a zwi tsha ḫa kha ene hafhu.” Huno heneffo a ri, “A si uri lutendo lwanga lwo vha lu luhulwane nga maanda.” Ha pfi, “Ndi vhea izwo kha garaṭa ya thabelo, huno zwino ha koni u zwi fara, inwi ni a vhona.” Ha pfi, “Izwo ndi maano!”

²¹⁴ Huno nda elekanya, “Naa hu khou bvelela mini?” Zwenezwo tshilidzi tsha Mudzimu tsha tsela fhasi.

²¹⁵ Nda ri, “Muñe wanga, ndi ngani diabolo o zwi vhea mbiluni yanu u lingedza u fhura Mudzimu?” Yudasi wa musalauno! Nda ri, “Inwi ni tshivhidzo tsha Kristo...” Ni mpfarele. Zwo luga, ndo no zwi amba. “Inwi ni mureri wa tshivhidzo tsha Kristo. Ni wa tshivhidzo tsha Kristo, ni bva ngei United States.

Huno uyo munna o dzula ngei nthā na iyo sutu ya buluu, huno mufumakadzi wañu na mufumakadzi wawe vho dzula heneffo, no dzula ṭafulani madekwe i re na tshithu tshidala khayo, tsho—tsho adza nga *iyi* ndila, huno no ita uri izwo zwe vha zwi ‘u vhala muhumbulo,’ huno no vha ni tshi khou ḍa nga madekwana a ḥamusi.”

²¹⁶ Uyo munna a ima. A ri, “Iyo yo vha i ngoho yo fhelelaho. Mudzimu, nkhatutshele!”

²¹⁷ Nda ri, “Munē wanga, inwi no ḥwala ‘TB na pfuko’ kha iyo garaṭa, huno zwino ni nayo. Ndi yañu zwino.”

Huno a ndzhuvhula nga mulenzhe wa vhurukhu, a ri, “A tho ngo...”

²¹⁸ Nda ri, “Ndi nga si thuse. Inwi iyani heneffo phanda. Izwo zwi vhukati hanu na Mudzimu. Inwi no ḥwala mutshinyadzo wañu kha garaṭa yañu.” Huno iyo yo mu wana. Iyo yo vha i yone yoṭhe.

²¹⁹ Ni a vhona, vhahoi, vhafhuri, vha tshi khou lingedza u wana vhukhakhi kha Mudzimu na Ipfi ḥaw. Avho ndi Vhoyudasi. Avho ndi vhone. Inwi ni a vhona uri Yudasi u bva hani? Ni a vhona uri uyo munna u bva hani? Iyo ndi ndila ine vhahoi vha bvelela. Ni a vhona, vhahoi, oo, vho funzeswaho, nga zwiñwe zwifhinga, huno makhaulatsheli mahulwane a ḍa vhukati ha Ipfi na ndaela yavho. Huno, musi zwi tshi ita, vha rengisela nn̄da kha dinomineisheni yavho zwe tou kokotolo vhunga muranga-phanda wavho o ita, Yudasi. Yudasi o rengisela nn̄da kha dinomineisheni yawe; o rengisa Yesu, Ipfi, kha dinomineisheni yawe, huno a ambulula Yesu Kristo nga murahu ha musi o no vhila u vha tshipida tshawe.

²²⁰ Vhashumeli nga tshinwe tshifhinga vha tshi vhila u vha vhalanda vha Kristo, na musi Ipfi lo ṭaluswa lu sa timatimisi u khwathisedzwa u itela ilo duvha, uri ndi Mulaedza wa awara, huno vha do rengisa heneffo nn̄da u itela u divhea, kha dinomineisheni yavho; u tou fana kokotolo vhunga Yudasi o ita, a ambulula Yesu kha Vhafarisei na Vhasadukei. Uyo muya a u fi, ngauralo uyo u vhukati ha vhatendi, vhahoi, na vha sa tendi. Ni a vhona, izwo zwi tou vha kokotolo, u tsela heneffo phasi huno a rengisa Yesu nga maseṭha a siliva a furaru; huno vhanna vhanzhi vha do zwi ita ḥamusi u itela thikhithi ya zwiñwa, u itela dziñwe dolara dza ḫana nga vhege; heneffo, vha hana Mudzimu uyo o imaho vhukati havho, we a renga vhutshilo havho, nahone nga Ipfi nga vhudalo.

²²¹ Huno vha do ri, “Oo, ayo maduvha a madembe o fhira!” kana, “Mudzimu ha ḫodi tshithu tsha u ralo tshi no nga itsho ḥamusi.” Ni a vhona? “Oo, ndi tenda kha Yesu Kristo, Murwa wa Mudzimu! ‘Ri a losha Maria, mme a Mudzimu, wo fhaṭutshedzwa vhukati ha vhasadzi!’” Izwi zwiñwe zwithu zweṭhe vha a amba! Huno vhañwe vhavho vho ri, “Ndi tenda kha Ndaela ya

Vhaapostola. Ndi tenda kha Mudzimu Khotsi, Ramaandaothe, Musiki wa maṭadulu na liphasi. Ndi tenda kha tshivhidzo tsha Roma Katolika tshikhethwa, na izwi zwithu zwoṭhe.”

²²² Mmbudzeni musi we muapostola a vhuya a vha na ndaela ya u ralo. Arali vhaapostola vho vha na ndaela nthihi, yo īwalwa kha Mishumo 2:38, “Shandukani huno ni lovhedzwe, muiwe na muiwe wanu, nga Dzina la Yesu Kristo, u itela khangwelo ya zwivhi, huno ni do ṭanganedza tshifhiwa tsha Muya Mukhethwa.” Arali hu na īwe ndaela khavho, iyo yo vha i yone. Vho vha vha si na ndaela. Ho vha hu Ipfi. Izwo ndi ngoho. Zwi kha di vha zwithihi. Iyo ndi ndayamushonga ya dzilafho la vhulwadze ha tshivhi, “Huno ni do ṭanganedza tshifhiwa tsha Muya Mukhethwa! Shandukani huno ni lovhedzwe u itela khangwelo ya zwivhi, ni a vhona, huno ni do ṭanganedza tshifhiwa tsha Muya Mukhethwa.”

²²³ Fhedzi vha rengisela nn̄da, vhunga Yudasi. Uyo ndi muhoi. Vhañwe vhavho ndi vhathu vha re na dzimpho nga maanda. Huno yuu muhoi, sedzani uyo munna. Uyo ndi munna wa vhukwila. Uyu munna muṭuku a no dalelwa nga u ṭavhanya, huno a fhufha n̄tha huno a gidimela nn̄da, nga liamble lituku liñwe na liñwe line a sa li takalele, a ni dzhii tshenzhemō khae; u tou vha a sa tendi, tsha u tou thoma. Fhedzi musi ni tshi vhona yuu munna, muhoi, o farelela, ni a vhona, uyo ndi Yudasi. Uyo ndi ene.

²²⁴ Vhunga dzimpho khulwane. Ndi khou yo vhidza madzina hafha. Zwine, zwa vhukuma a thi tei u zwi ita, fhedzi ndi khou yo a vhidza, naho zwo ralo, u itela uri ni zwi ḫivhe. Vhunga, Elvis Presley, Red Foley, Ernie Ford, Pat Boone. Elvis Presley, Mupentekostała; Pat Boone, tshivhidzo tsha Kristo; Red Foley, mudikoni tshivhidzoni tsha Kristo; huno ndi elekanya uri Ernest Ford ndi Mumethodisi. Huno avho vhathu vhoṭhe vhe na idzo mpho, vho thanya, nn̄da kha thelevishini. Huno vhathu vha tshi ri, “Zwo luga, naa a si vhone vha vhurereli? Vha imba dzinyimbo.” Izwo a zwi ambi tshithu tshithihi. Ee, muñe wanga. Vha tshi fhura shango!

²²⁵ Naa vha wana mini khazwo? Yudasi o wana masetha a siliva a furaru. Elvis, muduba wa Cadillacs, na dana, kana mayhili, dolara dza milioni dza dana na fuṭhanu, kana dolara dza milioni kha dzirekhodo na zwithu zwa u ralo. Pat Boone na vhañwe vhoṭhe. A thi londi uri ndi vha tshivhidzo tshifhio, na tshinwe na tshiñwe, ndi vhuhoi. Ndi u tenda nga u hoyo. Ndi vhufhura. Izwo, vhutshilo havho vhu a sumbedza, uri a ho ngo luga. Ndi zwone.

²²⁶ Zwenezwo hu na avho vha re na dzimpho vha re vhadzudzanyi vhahulwane, vhutali ha shango. Vha rera Mafhungo-maqdifa, vha vhila u ralo; vhanna vho thanyaho, vha vhutali. Thetshelesani, munna o pfumbudzwaho kha iyo tsimu,

a si mureri. Ndi muambi. Uvho ndi hone vhuleme ḥamus, ri na vhaambi.

²²⁷ Yesu na khathihi ho ngo ri, “Iyani ni pfumbudze u ita itshi.” O ri, “Iyani ni rere Mafhongo-madifha, huno izwi zwiga zwi ḫ tevhela u rera.” Ni a vhona? Ni a vhona?

²²⁸ Izwo a si u guda u ita muambi ane a nga kona u ima huno a tou, nne-nne, a vhea zwithu zwa maluvha nga ngomu hazwo, zwa ni ita uri ni pfe u nga ri no dzula heneffo vhuhoneni ha Muruṇwa Muhulwane. Izwo a si zwone. “U na tshivhumbeo tsha u ofha Mudzimu,” inwi ni a vhona, uyo ndi muambi, hu si Muya Mukhethwa nga nyito.

²²⁹ Muṇwe muthu muṭuku ane a sa ḫ divha ABC dzawe, a nga ḫi da fhasi e na Maanda a lutendo na Ipfi; huno a ita uri Muya Mukhethwa u ite zwithu zwine uyo munna a sa ḫ divhe tshithu nga hazwo, huno a zwi hana. Ni a vhona? Ni heneffo.

²³⁰ Vhatu vhahulwane! Ee, muṇe wanga. Zwenezwo, ndi vhone vhadzudzanyi. Vha na vhuando, vha a bvelela, vho thanya kha vhuṭali ha shango.

²³¹ U tou fana na zwe Saṭhane a ita kha Efa, uyo musadzi muṭuku, a sa thusei. O ḫa heneffo khae huno a lingedza u mu rengisa nga muhumbulo wa uri u ḫ do ḫalifha u fhira zwe a vha e zwone, huno izwo ndi zwe a vha a tshi khou zwi ḫoda. Vhudzuloni ha u dzula heneffo na zwe Ipfi la amba, o—o ḫoda u mu rengisa nga muhumbulo wa uri u ḫ do ḫalifha, huno a renga tshibveledzwa tshawe. Huno vha kha ḫi ita zwenezwo zwithihi ḥamus. “Vhuṭali ha lino shango ndi vhutsilu kha Mudzimu.” Ee, muṇe wanga.

²³² Hai, muṇe wanga! Yawee, nne-nne, zwi tou vha zwenezwo zwithihi zwe Vhafarisei vha rengisa, na u ita, ni a vhona, nga vhuṭali vhune vha vhu ḫivha. Fhedzi—fhedzi vha hana Ipfi la Mudzimu ḫothe.

²³³ Musi Lo phuruviwa nga ndila yo teaho huno Lo khwaṭhiswa khavho, vha kha ḫi lingedza u wana tshiṇwe tshithu, huno vha elekanya uri Ndi maano. A vho ngo dzudzanye thalukanyoni. A vha koni u Li tenda. Ni nga vha vhudza tshiṇwe tshithu, huno vho vhuya hafhu; ni nga vha vhudza tshiṇwe tshithu, vho vhuya hafhu. Huno vha tou... Huno a vha koni uri Li nwelele nga ngomu, inwi ni a vhona. Huno vha sedzeni; vha khou sedza tshifhinga, khakho fhedzi. Ndi zwenezwo fhedzi zwine vha ḫoda.

²³⁴ Izwo ndi zwine, arali ho vha hu songo vha tshilidzi tsha Mudzimu, khakho dzanga dzothe dzo vha dzi tshi ḫ vha dzo ḫaniwa, arali ndo vha ndi na dziṇwe. Ni a vhona? Ndi tshilidzi tsha Mudzimu, ngauri a hu na dzikhakho kha Ipfi la Mudzimu; i tou vha Mafhongo-madifha a tswititi. Tshifhinga tshothe ndo amba, nnyi na nnyi, arali ni tshi mmbona ndi tshi funza kana u ita tshiṇwe tshithu tshine tsha sa vhe kokotolo na Ipfi la Mudzimu, ni de ni mmbudze. Ngetshi tshithu tshi no putela

khakho dzine na khou lingedza u dzi wana. Itonu vhea maṭo anu kha Ilo, huno a ni nga vhoni dzikhakho, ngauri a hu na dzikhakho.

²³⁵ Zwino elelwani, Yudasi o elekanya uri o wana iñwe. Uyo muthu o elekanya uri o wana iñwe. Zwifhinga zwinzhi, vha elekanya uri vha a i wana, fhedzi zwi a phuruvea uri a si yone. Avho ndi vhahoi, vhadziaudifhura. Vha phesente dza fuṭahet̄hanu kha Ipfi, na Efa o vha o ralo, fhedzi, fuṭahet̄ahe na ṭahe kha zwa fumi; fhedzi ho vha hu tshithihi kha zwa fumi tshe tsha vhanga lufu lwoṭhe na vhuṭungu.

²³⁶ Itsho ndi tshone tshithu tshithihi tshi no haṭula dzangano na zwithu, ngauri a vha dzhii Ipfi la Mudzimu lothe. Avho ndi vhahoi. Ri wana uri zwe vha nga u ralo tshifhinga tshothe, fhedzi vha hana Ipfi la ngoho, lo khwathisedzwaho. Avha tshifhinga tshothe vha kha murafho muñwe na muñwe. Ri a vha wana zwezwo vha tshi khou tshimbila, nahone ndi vha vhurereli nga maanda.

²³⁷ Zwino, ndi khou lugisela u vala zwa zwino, ngauri ndo no dzhia inwe hafu ya awara.

²³⁸ Yesu, ri a wanulusa uri O ri tsivhudza nga aya mađuvha a u fhedzisela na ulu lushaka lwa vhathu, uri vha do vha nga maanda vhunga tshithu tsha vhukuma, uri vhone zwa vhukuma vha do fhura Vhanangiwa. Naa izwo ndi mini? Avho ndi Vhoyudasi, vha—vhathu vha no ya kule nga maanda n̄tha. Sedzani, vha—vha a kona u vhuya vha lila, vha ṭavha mukosi, vha vhila u pandela vhodiabolo, tshinwe na tshiñwe, huno zwenezwo vha rembulutshela u mona hoṭhe huno vha hana Ipfi. Kokotolo. Vha na tshifanyiso tsha u nga vha ofha Mudzimu. Vha do—vha do—vha do kaṭukuṭuku...

²³⁹ Sedzani he Yudasi a bva e hone. Muya wa Yudasi wo namela Mafhungo-madjifa, u swika fhetu ha Pentekoste. Fhedzi musi hu tshi da kha tshifhinga tsha ndovhedzo nga Dzina la Yesu Kristo, na zwiñwe zwithu zwi no tshimbila na ndovhedzo ya Muya Mukhethwa, a bvela nn̄da. O sumbedza mivhala yawe. Huno uyo maya u nga kona u tshila kha idzo dinomineisheni u swika u tshi vha heneffo kha iyo Ngoho, zwenezwo u wela heneffo murahu, vhunga maya u re khavho, u no ranga phanda u da havho; u tou fana na Yohane o ranga phanda u da ha Yesu.

“Zwino inwi ni ri, ‘Yesu o ri vha do vha tsini nga maanda.’”

²⁴⁰ Zwino, “Vhanangiwa,” ulwo ndi lushaka lwe lwa vha na dzina ḥalwo kha Bugu, u bva kha mutheo, wa Vhutshilo, lu no tenda, kana mutheo wa shango, lu tendaho Ipfi la Vhutshilo lothe. Avho ndi Vhanangiwa.

²⁴¹ Zwino sedzani avha vhathu. Zwino, ndi amba izwi nga khuliso na dzithompho, na lufuno lwa Mudzimu; arali ndi sa iti, nne ndi—ndi—ndi—ndi ṭoda mbidzo ya aliṭari, nne munē. Dzhielani nzhele, Yesu o ri vha do fhura vhenevho Vhanangiwa.

Zwino, avho a vha nga vhi Methodisi, avho a vha nga vhi Baphuthisi; ri a divha uri vha vha sa tendi, tsha u tou thoma. Fhedzi, ndi dzangano la Vhapentekosta la dzhiaho ngomu ha iyo dinomineisheni, vha tala mikano yavho, vha si na Ipfi; huno vha ola mukano huno vha vhea dzangano lavho, huno vha itela Ipfi luhura. Vha do fhura vhenevho Vhanangiwa, lwo fhelelaho nga maanda u fana! Hu pfi, “Vha a lila. Vha tavha mukosi. Vha fhufhela ntha na fhasi. Vha vhila tshumelo dza phodzo.” Yudasi o ita nga u ralo, huno vho ita vhañwe vhothe nga u ralo. Musi vho bva, vha vhuya vho takala na tshiñwe na tshiñwe, huno vha na madzina avho o ñwalwaho Buguni ya Ngwana ya Vhutshilo.

²⁴² Fhedzi, elelwani, Muselwa ha—ha—ha di nga itsho tshigwada. U ya nga U Takulelwa Taqulu.

²⁴³ Kha Khañhulo, khañhulo ya vhewa, “Huno bugu dzo vulwa, vhavhi; huno inwe Bugu, ine ya vha Bugu ya Vhutshilo, ya vulwa,” huno henefho ho vha hu na Muselwa henefho wa u tshi hatula. Ni a vhona? Ni a vhona? “Inwe Bugu ya vulwa, ine ya vha Bugu ya Vhutshilo.” Idzo ndi nngu kha linwe sia, huna dzimbudzi kha linwe. Ni a vhona, vhathe vhe vha fa hangei murahu, vhe na khathihi vha sa vhe na tshikhala, vha do vha vhone vha no do fhandekanywa.

²⁴⁴ Fhedzi zwino dzhielani nzhele, “u fhura” vhenevho Vhanangiwa, sedzani itsho tshigwada. Itsho ndi tshigwada tshi no tevhela. “Ee, mukomana. Haleluya! Ee. Vhugala kha Mudzimu!” Huno henefho fhasi ngomu mbiluni yanu ni vhona zwine vha khou ni shumela zwone; vha na inwi tshivhidzoni (ndi ngani?) u kokodza gogo, u vha bvisa malofha a tshipida tshiñwe na tshiñwe tsha tshelede vha tshi nga kona u bva khayo. Inwi ni elekanya uri a thi divhi izwo? Vha nga di si elekanye uri ndi a zwi divha, fhedzi ndi a zwi divha.

²⁴⁵ Yesu o divha, u bva mathomoni, uri mufhuri o vha e nnyi. Ni a vhona? Ni a vhona? Fhedzi O ita mini? O tou lindela u swika nga itsho tshifhinga. Izwo ndi zwine ra fanela u ita tshifhinga tshothe, u lindela u swika nga itsho tshifhinga. Ni songo sudzulutshela ngomu inwi muñe. Lindela u swika nga uyo muniti.

²⁴⁶ Vha na pi- . . . tshivhumbeo, huno vha tshimbila vhothe, itsho ndi itsho tshigwada tshi fhurahu. Sedzani uyo mufhuri, itsho tshigwada henefho; hu si—hu si mutendi, hu si a sa tendi, fhedzi uyo muhoi. Yawee, nné-nné! Naa vha khou ita mini? Vha tou bvisa tshene u swika vha tshi elekanya uri vha nga kona u wana tshiñwe tshithu, vha tshi khou kokodza peni inwe na inwe ine vha kona kha vhathe, ni a vhona, huno zwenezwo vha tshi i thophya kha aya madzangano mahuluhulu; ane a vha uri a a hanedzana, huno vha a zwi divha. Ni a vhona, vha a zwi divha.

²⁴⁷ A zwi iti phambano zwine na amba. Vhone vho no tsivhudza vhathe vhavho inwi ni sa athu da, “Ni songo Li thetshesela.”

²⁴⁸ Muñwe munna, e na tshivhindi tsha u ima heneffo kha Ohio, zwenezwo musi Mukomana Kidd o fhodzwa, a bva heneffo kha pulatifomo, huno a ri, “Zwino, Mukomana Branham ndi muporofita, a zwi timatimisi na luthihi, musi e fhasi ha ndodzo. Fhedzi zwino,” ha pfi, “musi ndodzo i siho khae,” ha pfi, “ni songo tenda Pfunzo yawe, ngauri Yo khakhea.”

²⁴⁹ Huno ho ngo ḋivha, uyo o dzula lufherani lwanga, Murena o ndzumbululela zwone. Huno nda tshimbilela heneffo fhasi. Huno vhanzhi vha vhoiñwi no vha ni heneffo. Nda ri, “Ndi ngani munna a tshi do amba tshithu tsha u ralo, musi Ipfi...” Zwino, ni a vhona, nne na khathihi a tho ngo ri ndo vha ndi muporofita; o zwi amba.

²⁵⁰ Huno muporofita, ipfi *muporofita*, “muvhoni,” ya Kale Testa-... Zwino, thalutshedzo ya Tshiisimane ya *muporofita* i amba “mureri.” Fhedzi *muwhoni* wa Testamente ya Kale o vha e munna we a vha e na “thalutshedzo Khethwa ya Ipfi,” huno o phuruviwa nga Ipfi li tshi da kha ene nahone a tshi zwi vhona. Izwo zwe vha zwi...

²⁵¹ Huno munna a tshi ri munna a vhe muporofita, huno zwenezwo a tshi amba uri Pfunzwo yawe yo khakhea? Arali itsho tshi si tshikimu tsha u shuma nga tshelede, naa ndi mini? Awara i tsini yo sendela musi itsho tshithu tshi tshi do kokodzelwa nn̄da vhuponi. Iina. Fhedzi ulwo ndi lushaka lune, uyo muhoi, a ni phaphatha muñanani, a ni vhidza “mukomana,” u tou fana na Yudasi. Fhedzi, elelwani, O ḋivha u bva mathomoni. U kha di ḋivha. Ee, muñe wanga.

²⁵² Elelwani, avha vhothe vha no khou thetshelesa kha iyi theiphi, na vhone-vho, izwo ndi zwone, ni kha inwe ya idzi kilasi. Izwo ndi kokotolo zwone. Zwino ri khou yo vala. Muthu muñwe na muñwe a re fhano, a re hone, muthu muñwe na muñwe a no thetshelesa kha iyi theiphi; huno na ho linwe ḋuvha ndi tshi tea u ḫutshela ili shango, idzi theiphi dzi do tshila. Izwo ndi zwone. Ni a vhona? Huno ni kha inwe ya idzi kilasi. Ni tea u vha kha inwe yadzo. Ndi kokotolo. Ni nga si kone u zwi ponya. Ni kha inwe ya idzi kilasi.

²⁵³ Zwino mini? Diṭaluseni na mubvumbedzwa wa Bivhilini we a tenda, he na tenda Ipfi musi Li tshi khwañisedzwa, vhunga ndo Li phuruva madekwana a ñamusi, uri ho vha hu Ipfi lo khwañisedzwaho tshifhinga tshothe, tshifhinga tshothe li tshi fhambana na lutendo lu ḋivheaho.

²⁵⁴ Arali no vha no tea u vha no tshila maduvhani a Noaxe, zwino i ri ni ndi tou vhudzisa, naa no vha ni tshi do vha kha sia liñhio, siani la tshivhidzo kana siani la Noaxe, muporofita? Ni a vhona?

²⁵⁵ Arali no tshila maduvhani a Mushe, naa no vha ni tshi do vha no tenda mulaedza wa Mushe nga murahu ha musi Wo vha wo phuruviwa na u khwañisedzwa nga Mudzimu? Fhedzi no vha ni

tshi do vha no tshimbila na Korani na Dathani, na vhañwe, huno na ri, “Inwi a ni munna mukhethwa fhedzi. Vhañwe vhathu vha nga kona u ita izwi zwithu zwine na ita, na vhone-vho”? Ni a vhona? Ni tea u vha muñwe, huno ni ene, madekwana a ñamusi.

²⁵⁶ Kana no vha ni na Daniele, kana na tshivhidzo tshe tsha vha tshi ngei fhasi kha tshimima tsha Nebukadanetsara? Ni a vhona? Naa no vha ni tshi do vha nga nn̄da, kana no vha ni tshi do vha no vha fhasi kha tshimima tshihulu tsha phosho, tshi—tshithu tshihulu tshe vha vha vhe natsho?

²⁵⁷ Naa no vha ni tshi do vha no vha na Eliya, uyo munna o ima e et̄he, a tshi vhidzwa, “muthu wa mbiti, munna o xedzaho thalukanyo yawe,” huno o ima nga n̄tha ha muvhundu, huno thoho yawe i tshi khou penya heneffho kha duvha, e na lubadå lwo kombamaho tshandani tshawe, zwinoni zwi tshi khou mu kanzwa, uh-huh, muñwe muthu wa mbiti? Kana no vha ni tshi do vha na vhotshifhe na avho vhotshifhe na Jesebel, na vhañwe vhotshifhe na ambaraho lwa musalauno? Huno Eliya o ima heneffhaña n̄tha, a tshi khou vha kaidza, nga maanda u ya nga hune a kona! Naa ndi tshipida tshifhio tshine na do dzhia mufumakadzi wanu na mu isa khatsho? Itonu elekanya. Itonu vhona tshifanyiso tshañu madekwana a ñamusi.

²⁵⁸ Maduvhani a Yesu, naa no vha ni tshi do vha ni na uyu Mutukana we a vha a si na ndalukanyo? O vha a songo ñwalisa kha dinomineisheni. Vha ri, “Naa Wo bva kha tshikolo tshifhio? A ri na Iwe kha rekhodo yashu hafha. Naa u wana hani uvhu vhuñali? Naa Wo vha u tshi do guda hani arali ro vha ri songo U funza izwi zwithu? Naa Wo bva nga kha tshikolo tshifhio? Naa U Methodisi, Mupuresbiterieni, kana Baphuthisi?” O vha a si wa liñwe lao. [Mukomana u ri, “O vha e na Ipfi.”—Mudz.] Izwo ndi zwone. O vha e Ipfi. Izwo ndi zwone kokotolo, mukomana. Naa ni . . .

²⁵⁹ Kana no vha ni tshi do vha no dzhia sia na Vhafarisei vha lutendo lwa musalauno lwa tshifhe wa kale a diñukufhadzaho we a vhonala e na vhlulenda nga maanda nahone wavyhudi, huno dzangano lo imaho u bva tsha Khoro ya Nicaea, kana tshi bva tshe Luther a li dzudzanya? Kana ndi tshifhio—ndi tshifhio tshigwada tshe na vha ni tshi do vha khatsho? Naa no vha ni tshi do vha no vha kha . . . Naa ndi tshigwada tshifhio tshe na do vha ni natsho? Naa no vha ni tshi do vha no ima na Ipfi musi ni tshi Li vhona li tshi khwathisedzwa nahone la phuruviva kha inwi, Lo vha li Mulaedza wa duvha, kana no vha ni tshi do vha no dzhia vhuimo ha tshivhidzo? Zwino itonu vhona tshifanyiso tshañu madekwana a ñamusi.

²⁶⁰ Naa no vha ni tshi do vha no vha heneffho na vhaapostola, musi vho vhona Yesu na izwi zwithu zweþhe zwi mangadzaho, musi O tsela fhasi kha avho vhareri, huno a ri, “Vhoinwi ni tshiþaha tsha manɔwa”? Vhone vha a fhulufhedzea, vhareri vha

kale vho guda iło Ipfi. Ha pfi, "Vhoinwi a ni tshithu nga nnđa ha bako la mavemu, huno inwi ni—inwi no dala marambo a vhanna vho faho. A ni tshithu nga nnđa ha luvhondo lwo galagiwaho." Ni a vhona? "Vhoinwi murafho wa mavuluvelu." Naa no vha ni tshi do vha no ima na Muthu wa ḥohoh i fhisaho nga u ralo, We a ima heneffo huno a kaidza nahone a kherula? Ha pfi, "Naa ndi nnyi wa vhoinwi ane a nga Nthovhedza tshivhi? Arali ndi sa iti zwe Khotsi a amba . . ."²⁶¹

²⁶¹ Vha ri, "Ni songo thetshelesa. Uyo Munna u na muya muvhī Khae. U a penga. O ḥangana ḥohoh. U na—U na muya wa diabolo Khae. Ni a vhona? Zwino, zwone . . . uri U zwi ita hani izwo, Ene, uyo ndi muya wa bvumbamashudu Khae. Inwi ni a amba, naa ndi Ene mini? Mme Awe vho vha Nae phanda ha musi vhone na munna wawho vha sa athu malana. Ni a vhona? Ni a vhona? Naa O ḫa nga kha tshikolo tshifhio? A ri na na rekhodo nthihi ya Ene a tshi vhuya a ya tshikoloni tsha girama."

²⁶² Huno naho zwe ralo musi O vha e na miwaha ya fumimbili nga vhukale, O mangadza na u daqisa vhotshifhe, nga Ipfi la Mudzimu. Ni a vhona? Naa o bva kha tshikolo tshifhio? Tshikolo tsha N̄tha. Ni a vhona? "Musi ni tshi vhona Murwa-muthu a tshi tsa a tshi bva hune A bva hone." Ni a vhona, itsho tsho vha tshi tshikolo Tshawe.

²⁶³ Fhedzi no vha ni tshi do vha no ima na vhaapostola, kha Munna wa u ralo, musi makhaulatshela a tshi da?

²⁶⁴ Kana zwa vhukuma no vha ni tshi do vha no tshimbila na vha fusumbe, huno na ri, "Zwo luga, ri do humela murahu kha tshivhidzo tshashu arali iyo i ndila ine Na khou yo funza, ni tshi amba izwo, Iwe, 'Murwa-muthu'? Musi, nga murahu ha zwoṭhe, naa ni Nnyi? Naa Ni mini? Munna a no nga nne, ndi la na Iwe, huno ndi tshi khou lingedza uri U tshinwe tshithu. Ndo U sedza. Ndo vhona u shaya nungo Hau. Ndo vhona Iwe u tshi lila. Ndo U vhona u tshi ita *itshi*, *itsho*, kana *tshinwe*. Ndo U vhona u tshi ya sogani na riŋe, na tshinwe na tshinwe-vho tsha u ralo zwino, huno U tou vha munna. Huno U ri u tsela fhasi u tshi bva Tađulu. Izwo zwe dalesa kha nne." Naa no vha ni tshi do vha no tshimbila navho? Kana no vha ni tshi do vha no bvela nnđa na vha fusumbe? Kana no vha ni tshi do vha no tshimbila na vhaapostola na Kristo?

²⁶⁵ Musi Martin Mukhethwa a tshi lingedza u fara ndovhedzo nga Dzina la Yesu Kristo, tshivhidzoni, musi a tshi kha di lingedza u fara zwiga na zwimangadzo na zwithu, huno tshivhidzo tsha Kaṭolika tsha hatula uyo munna huno tsha sa vhuye tsha mu limuwa na luthihi, huno tsha mu pandela, naa no vha ni tshi do vha no dzhia fhethu na ndaela ya Kaṭolika, kana no vha ni tshi do vha no ima na Martin Mukhethwa? Musi o hana u vhea idzi tshaka dzoṭhe dza zwifanyiso zwa—zwa vhathu vho faho, huno a vha luvha, a luvha izwo zwifanyiso, na zwiṅwe-vho,

musi o hana dogima dze dza vha dzo engedzwa, o ri, "I ri ni Ipfi li vhe Ngoho!" Huno Mudzimu o mu khwathisedza nga zwiga zwihiwlwane na zwimangadzo, huno zwe a zwi bvumba two bvelela. Huno tshiñwe na tshiñwe tshe a ita, o tshimbila Muyani wa Mudzimu huno a zwi phuruva, huno a hu na muñwe wavho vhotshifhe kana tshiñwe tshithu tsho konaho u ita tshiñwe tshithu nga hazwo. Naa no vha ni tshi do vha no dzhia sia lawe huno na ḥuwa na Martin Mukhethwa, kana no vha ni tshi do vha no ḥuwa na ndaela ya Kaṭolika?

²⁶⁶ Zwino Ipfi, zwino Ipfi la Mudzimu kana dogima dza tshivhidzo, dzi phanda hanu. Naa ni nga dzhia, na ḥanganeza zwine dogima dza tshivhido, kana na dzhia zwine Ipfi la amba?

²⁶⁷ Elelwani, kha zwikathi zwoṭhe zwo vha zwo ralo vhunga zwo ralo zwino. Tshifhinga tshoṭhe hu na u tenda hu ḫivheaho vhukati ha vhathu, huno tshifhinga tshoṭhe ho tou vha na zwiṭukunyana zwo fhambanaho na Ipfi la vhukuma. Elelwani, a zwo ngo vha na u hana heneffo u Li hana. Oo, hai. Mulwanakristo ha hani Ipfi. Zwa vhukuma hai. U ri u khou Li tenda, fhedzi hu tou vha hu si Lone nga ndila ye La ḥwalwa hafha. Ni a vhona? Ni a vhona?

²⁶⁸ Saṭhane o vhudza Efa. Efa o Li tenda ḫothe fhedzi fhedzi zwiṭuku zwe a mu vhudza zwone. Vha tou dzhia Lone ḫothe nga nnda ha lītuku. Zwi nga di vha, "iyani tivhani," zwi nga di vha tshiñwe tshithu-vho. Ni tea u Li dzhia, tshītuku tshiñwe na tshiñwe, nga ndila ine La vha ngayo Hafha, ni a vhona, nga ndila ine La vha ngayo Hafha. Zwi nga di ni vhangela u ita mishumo ya u thoma hafhu, fhedzi zwi tou vha zwe Ipfi la amba. Uvhу ho vha vhukwila ha Saṭhane u bva tshee a vhu shuma lwa u thoma kha Efa, u tou sa tenda zwiṭuku zwa Ipfi.

²⁶⁹ Huno, tshifhinga tshoṭhe zwi fhandekanya idzi kilasi tharu dza vhathu, Ipfi li fhandekanya avha vhathu. Kha tshikhathi tshiñwe na tshiñwe zwo vha nga iyo ndila. Tshikhathi tshiñwe na tshiñwe tshe tsha vhuya tsha vha hone, tsho vha nga iyo ndila, musi Mudzimu o rumela tshiñwe tshithu vhuponi huno a Li ḥalusa nga ndila i pfalaho, Ipfi Lawe.

²⁷⁰ Zwenezwo hu na avho vha no tevhela, vha no vhila u vha vhatendi, huno vha vhone. Hu na avho vhane vha sa do humela murahu. Vha tenda Ipfi. Samusi ni tshi dzula kha Ipfi, vha a Li tenda.

²⁷¹ Fhedzi musi Li tshi da lo fhambana zwiṭuku, hu sa londwi uri Mudzimu u Li ḥalusa zwingafhani kha zwine vha tenda, vha ri, "Zwo luga, a—a—a thi ḫivhi nga ha Illo." Uyo ndi a sa tendi.

²⁷² Kana ni khou tevhela u tou vhona u swika ni tshi nga wana tshikhala tsha u ri, "Uh-huh, hafha ni hone!" Ene Yudasu u ḥavha muñwe muthu muṭanani, vhunga o ita. "Ndo zwi ḫivha uri zwi do bva, nga u ḥavhanya kana ngavhuya. Heneffo ni

hone!" Uyo ndi muhoi. Tshiñwe na tshiñwe, tshiñwe na tshiñwe tshazwo, ri a zwi vhona Bivhilini.

²⁷³ Mutukana mułuku nga tshiñwe tshifhinga, fhasi hafha kha la Kentucky, o aluswaho n̄tha ngei dzithavhani, ene—ene ho ngo vhuya a vha u mona hothe he ha vha hu na ngilasi ya u vhona. Vho vha na tshipida tshiñuku tshe tsha vha tsho ombelwa kha muri, fhedzi ene na khathihi ha athu divhona. U da ngeno kha Louisville, zwo ambiwa, huno a dzula na murathu wa mme awe. Huno o dzula kha l̄inwe la mahaya avhud̄i, haya ha fesheni ya kale. Musi vho ya ngomu ha luñwe lwa phe—phera dza u edela ye ya vha i na mu—muñango we wa vha u na tshivhoni hothe khalwo, n̄dilani yothe n̄tha na fhasi ha muñango. Ni a vhona?

²⁷⁴ Huno musi muthu mułuku o thoma u gidima nga kha nn̄du, a ima. Johnny mułuku o vhona Johnny mułuku. Ni a vhona? Huno o kweta thoho yawe, huno Johnny mułuku kha tshivhoni o kweta thoho yawe. O sea, huno Johnny mułuku o tshivhoni o sea. O fhufhela n̄tha na fhasi, huno Johnny mułuku o fhufhela n̄tha na fhasi kha tshivhoni. Ni a vhona? O tshimbila a da tsini vhukuma. O elekanya uri ho vha hu mutukana mułuku we a vha a tshi nga tamba nae, ngauralo o tshimbila. Lwo livhanaho, a khokhonya kha ngilasi. O rembuluwa u mona hothe, huno vhabebi vhawé vho vha vha tshi khou mu sedza. O ri, "Mma, uyo ndi nn̄e."

²⁷⁵ Zwino inwi ni sedza kha *Ili*, huno l̄ifhio ndi inwi? Uh-huh. Uh-huh. Naa ndi ufhio wa *avha* Vhojohnny vhałuku ane na khou mu edzisela? Naa ndi ufhio ane a vha inwi, ni a vhona? Ni muñwe wavho.

²⁷⁶ Uyo ndi muñwe wavho, muñwe a no do humela murahu, khakho ya u thoma ye na i wana, ye na i vhidza khakho. Ni a vhona?

²⁷⁷ Zwi lingululeni nga Ipfi huno ni vhone arali zwi zwone, arali Ipfi li tshi phuruva zwithu zweøthe. Ni a vhona, phuruvani zwithu zweøthe nga Ipfi. Yesu o amba nga u ralo. Ee, muñe wanga. "Farelelani kha itsho tshi re tshavhuđi." Izwo ndi kokotolo zwe A amba.

²⁷⁸ Zwino sedzani kha tshivhoni tsha Ipfi la Mudzimu, kha zwiñwe zwikhathi, huno ni vhone uri ndi tshigwada tshifhio tsha izwi zwiraru tshine na do ćaluswa khatsho. Zwino itonu elekanya, arali no tshila mađuvhani a Noaxe, arali no tshila mađuvhani a Mushe, arali no tshila mađuvhani a Yesu, kana muñwe wavho, tshiñwe na tshiñwe tshi re tshone, itonu elekanya uri ndi tshifhio tshigwada tshine na do ćaluswa natsho. Elekanyani nga hazwo madekwana a ńamusi.

²⁷⁹ Zwenezwo, hanu zwino. Zwino, itonu elekanya zwino. Izwi zwo dzivhafala zwino. Huno ni songo gidima nga n̄tha hazwo. Tshiimo tshañu tsha zwino zwa zwino tshi a ni phuruvela uri no vha kha tshigwada tshifhio ngei murahu. Zwino, ni vhahałuli vha vhoiñwi vhañe, zwi phuruva zwine na vha zwone.

²⁸⁰ Vhafunzi, mushumeli, naa ndi tshigwada tshifhio tshe na vha ni tshi do vha ni natsho musi Yesu a tshi ita itsho tshitatamennde tshe tsha vha tshi tshi kondā u tshi tenda? Mini? Mini? Nga murahu ha musi O no ṭaluswa lu sa timatimisi uri O vha e Ipfi, ni a vhona, huno naho zwo ralo, itsho tshitatamennde, inwi a ni athu pfa nga ha tshiñwe tshithu tsha u ralo, “Murwa-muthu, naa u ḍo ri mini arali A tshi gonya ngei Taḍulu hune A bva hone?”

²⁸¹ Huno no ri, “Zwo luga, ndi a divha he A bebiwa. Ndi a divha baba Vhawe, ndi a divha mma Vhawe, huno hafha U ri U khou yo gonya ngei hune A bva hone.” Izwo zwi ḍo vha zwo dalesa zwiṭuku kha inwi, zwo vha zwi nga si ḍo ralo, muṇe wanga? Uh-huh. Wo tou vha zwo dalesaho zwiṭukunyana kha inwi; a no ngo kona u sukanya Ilo. Khamusi ndi zwenezwo zwithihi ḥamusi. Zwenezwo sedzani kha ngilasi ya Ipfi ḥa Mudzimu huno ni vhone he na ima. Oo, mufhuri wa munna, ni songo ita izwo na khathihi.

²⁸² Sedzani, ni kha iñwe ya idzi kilasi. Kha tshiimo tshanu tsha zwino zwa zwino, tshiimo tsha zwino tsha ḥalukanyo, tshine, inwi hafha kha avha vhattheshelesi vha vhone alaho, na inwi a no ḍo vha kha vhattheshelesi vha sa vhone alaho vha iyi theiphi, tshiimo tshanu tsha zwino tsha ḥalukanyo nga murahu ha u thetthesela kha iyi theiphi, zwi a ni phuruvela uri ni kha kilasi ifhio. I ya ni vhudza kokotolo hune na vha hone, uri kana ni mutendi kha Ipfi na uri ni ḍo dzula Naļo, uri kana ni ḍo bvela nn̄da, kana ni ḍo vala iyo theiphi. Hmm? Iyo i a ni vhudza zwe na ita. Inwi a ni ḫodi u Li thetthesela, huno na Li vala, na ri, “A thi ḫodi u thetthesela Ilo,” ngauri, uyo ndi uyo a sa tendi. Ni a vhone, inwi a ni nga imi u zwi lingulula huno na vhone arali zwi Ngoho kana hai. Ni a vhona? Kana ni tshi khou farelela u mona hoṭhe huno ni tshi khou lingedza u wana iñwe khakho Khaļo, zwenezwo inwi ni a divha hune na vha hone, na inwi-vho. Li a ni vhudza.

²⁸³ Mudzimu ri thuse u Li tenda huno ra ima Khaļo, huno ra Li thetthesela, huno ra thetthesela Ipfi, ngauri Ndi ene Ipfi. Naa ni a tenda izwo? [Tshivhidzo tshi ri, “Amene.”—Mudz.]

Kha ri, kha ri rabele.

²⁸⁴ Khotsi a Funwaho wa Taḍulu, zwi kondā hani, nga zwifhinga, u amba izwi zwithu, huno ra divha uri thañwe mahumi a zwigidi zwa vhatthu vha ḍo pfa izwi kha theiphi, musi vha tshi bva u budekanya na shango na u mona na shango. Fhedzi, Murena Mufunwa, ndi ngoho, ndi ngoho nga maanda. Ndi a rabela, Murena, tsha u thoma ṭanzwa mbilu yanga. O Murena, nndingulule, nndinge.

²⁸⁵ Itou sedza fhasi kha nñe, Murena. Nñe a thi na nungo. Ndi—ndi—ndi... Nñe ndo—nñe ndo neta. Nñe ndo—nñe ndo fhela nungo. Mukulo wanga u a hwasa. Milomo yanga—yangayanga yo—yo—yo—yo balea, vhunga. Huno, muvhili wanga u khou fhela nungo, nñe ndi khou kalaha. Huno—huno zwi nga si

vhe zwifhinga zwinzhisa two engedzeaho, Murena, khamusi, u rembuluwa hunzhisa ha duvha, u swika—u swika ndi tshi—ndi tshi do vha ndi tshi khou tuwa.

²⁸⁶ Huno zwino n̄trole, zwino, Khotsi. Huno arali—arali hu na tshinwe tshithu tshine n̄ne nda khou ita tsho khakheaho, huno ndi sa tshi divhi, Iwe—Iwe itou tshi dzumbulula kha n̄ne, Murena. Iwe, U ntsumbedze. N̄ne, n̄ne ndo lugela zwino u tshi lugisa tshothe.

²⁸⁷ Ndi a disedza hangei kha ngilasi ya Ipfi la Mudzimu. Naa ndo ima ngafhi? Naa ndi a vhona tshifanyiso tshanga tshi tshi khou vhonisa Yesu Kristo? Naa uyo ndi muthu ane nda mu vhona kha ngilasi? Naa ndi a vhona muhiwe wa vhatendi vha Testamente ya Kale, kana vhatendi vha Testamente Ntswa? Naa ndi a vhona muhoi? Naa ndi a divhona sa a sa tendi ane a sa do ima huno a thetshelisa Ipfi, huno a dzhia muhumbulo wa dinomineisheni? Naa ndi a divhona ndo farelela u mona hothe, ndi tshi khou lingedza u wana khakho thukhu?

²⁸⁸ Murena, arali two ralo, itou—itou n̄tanzwa, Murena. I ri mbilu yanga i vhe yo kunaho nahone yo tambaho. Ngauri, uvhu ndi vhutshilo hanga, Murena, ndi . . . Ndi, ndi zwi toda two luga. A hu na thodea ya u zwi ita lwa hafu, arali hu na ndila ya u zwi ita zwa vhukuma. Ndi, ndi toda zwi tshi lugiswa zwone, Khotsi. Hu si izwo fhedzi, fhedzi ndi do vha ndi tshi khou ranga phanda vhatu nga ndila yo khakheaho, na vhasadzi nga ndila yo khakheaho, huno vhatu vhane nda vha funa, nahone vha tshi mpfuna; zwenezwo, ndi do vha ndi tshi khou khakha.

²⁸⁹ Huno, Khotsi, arali ha vha na tshinwe tshithu, arali ndo elekanya madekwana a namusi uri tshinwe tshivhidzo tsha dinomineisheni tsho vha tsho luga; kana Khoro ya Zwivhidzo yo vha yo luga, arali vhunzhi ha vhatu vho vha vho luga; Murena Mudzimu, nthuse u vha munna o edanaho, na Mukriste o edanaho, u tenda vhukhakhi hanga huno nda ima hafha huno nda rumela vhatu hune nda elekanya uri hu do vha ho luga. N̄tanzwe. I ri ndi sedze huno ndi vhone. Fhedzi musi zwi tshi da kha izwo zwithu, Murena, u ya nga hune ndi nga kona u zwi vhona, ndi na izwo zwivhumbeo huno nda hana Ipfi; ni nga vha vhudza Lone, huno naho two ralo vha ri, “Zwo luga, a Li iti phambano. Li . . . Mudzimu ha lavheleli Illo zwino.”

²⁹⁰ Murena, ndi a tenda uri Iwe u Yesu onoula muthihi. U Mudzimu onoula muthihi we wa vhuya wa vha ene. U kha di vha Mudzimu, huno A u shanduki. Ndi a tenda uri iyi Bivhili ndi Ipfi Lau, huno ndi a tenda uri Iwe na Ipfi Lau ni zwithihi.

²⁹¹ Huno ndi a rabela, Mudzimu, uri U do ri nea zwa Muya Mukhethwa Wau, u hanyisa Ipfi, u ri nea Maanda a hanyisaho; uri, linwe duvha musi vhutshilo ho no fhela, huno Wo fhedza nga riné, uri ri do hanyiswa huno ra gonya Tadulu he ra vha ri hone,

kha mihumbulo ya Mudzimu, shango *li* sa athu tehwa. Mudzimu, zwi tendele.

²⁹² Ri hangwele milandu yashu, Khotsi. Arali hu na vhanna kana vhasadzi hafha, vha no ima kha iyo iñwe kilasi, nga nnđa ha vhatendi vha ngoho kha Ipfi, Mudzimu, tanzwa mbilu dzavho. Arali hu na muñwe a no khou thetshela kha theiphi, kana a no do vha a tshi khou thetshela ngomu, ndi rabelela u tanzwiwa ha mbilu dzavho, uri Iwe u do vha tanzwa, Murena. A—a thi ḥodi u vha vhona vho xela. Mudzimu, ndi a rabela uri U do—U do ri thusa u pfectesa uri vhukhakhi vhuthihi vhu nga si—vhu nga si lugise vhuñwe vhukhakhi. Hu na nđila nthihi ya u zwi ita, iyo ndi u bvisa vhukhakhi hothe nđilanî, huno na luga. Huno ndi a rabela, Khotsi, uri U do ri tendela izwo, nga kha Yesu Kristo Murena washu.

²⁹³ Zwifhañwo zwashu zwe kotama, mbilu dzashu dzo kotama, zwino ndi ḥoda inwi ni tshi ima lwa miniti i si gathi.

²⁹⁴ Musi ndi tshi vhona bono la vhudzulavhafu, sa—sa mutukana muñku, nyofho khulu dza hone. Zwenezwo, ndi nga di khakha kha izwi. Izwo zwi nga di vha zwe vha vhudzifpi ha uri tshinwe tshithu tshi khou yo bvelela. Zwi nga di ralo. A thi ḥivhi. Hu tou nga ndo vha ndi huñwe fhethu. Ho vha hu ha mupo nga maanda.

Zwenezwo, hu si kale-kale, musi ndi tshi vhona mafhethu a vho fhañutshedzwaho.

²⁹⁵ Musi ndo vha ndi kha mafhethu a vha u xela, ndo zhamba, “O Mudzimu, u songo tendela muthu u da fhano!” Ni nga si kone, a hu na lulimi lune lu nga ni ḥalutshedza uri nyofho khulu dzao ndi dzifhio. A hu na nđila kha nñe ya u ni vhudza. Arali ni tshi tenda uri hu na vhudzulavhafu vhu fhisaho, ho ḥalahlo mulilo na tsevhela, afho hu do vha pfulo dala yo dalafhalaho i ro—rotholelaho kha mbono ya zwine nyofho khulu ya iyi nyimele yo xelaho ya vha i khayo, na u tambula ho—ho ḥaluswaho na afho fhethu.

²⁹⁶ Huno arali ndo lingedza u amba na inwi nga ha zwithu zwi no do vha seli ha ḥalukanyo ya muthu, ndi tou vha ndi si nga ḥalutshedzi fhethu ha vhafhañutshedzwa, uri hu na mulalo hani! A hu tsha do fiwa na khathihi, a hu tsha do vha wa kale na khathihi, a hu tsha do lwalwa na khathihi; tshifhinga tshothe u vha muswa, tshifhinga tshothe u vha wa mutakalo, huno hu si na u fa na khathihi; Vhutshilo Vhu Sa Pheli, kha u fhañutshedzwa ha vhuswa, nahone a hu na tshivhi kana tshithu-vho! Oo, hu tou vha hu si na nđila ya u zwi ḥalu... ḥalutshedza, u zwi ḥalutshedza.

²⁹⁷ Na ene Paulo Mukhethwa, o ri, “Itô a *li* athu vhona, nđevhe a i athu pfa, kana u vhuya zwa dzhena mbiluni dza vhâthu,” ni nga si kone u vhuya na zwi pfectesa; a hu na nđila ya u zwi ḥalutshedza, “zwe Mudzimu a vha nazwo zwavho, zwe vhulungwaho, vhane vha Mu funa.”

²⁹⁸ Huno zwino, vhunga izwi nga ngoho zwi ngoho, fhano na kha vhathetshelesi vha sa vhonali, ro fanyiswa hafha, madekwana a ɻamusi, kha inwe ya idzi kilasi. Ri nga vha vhatendi vha vhukumakuma... Zwi lingululeni nga Ipfi. Arali Ipfi lo amba tshiñwe tshithu, huno tshivhidzo tsho amba tshiñwe tshithutsho fhambanaho, naa ni do dzhia mini? Sedzani kha ngilasi ya Ipfi la Mudzimu huno ni vhone uri no ima kha kilasi ifhio. Huno arali ni songo ralo, madekwana a ɻamusi, fhano na kha vhathetshelesi vha sa vhonali, arali ni songo ralo, arali ni si na ulwo lushaka lu tendaho, naa ndi nga ɻekedza ipfi la thabelo u itela inwi zwino, uri ni do da ngomu ha ulwo lushaka lu tendaho?

²⁹⁹ Huno ni do sumbedza nga tshiga tshi fanaho, nga Mudzimu; no kotamisa zwifhañuwo zwañu, na mbilu dzanu dzo kotama, maþo anu o valwa, nahone phanda ha Mudzimu? Zwiñwe zwifhinga vhathu vha a ofha zwitkunyana, inwi ni a ðivha, u nga vha imisa zwanda zwavho, vha a ofha uri mudzulatsini wavho... Zwine, a vha tei u vha nga iyo ndila, fhedzi vha—vha fanela u vha vha tshi khou funa u dzula, huno vha ri, “Nñe, nñe ndo khakha. Nñe ndo khakha.”

³⁰⁰ “Ane a—ane a dzumba tshivhi tshawe a nga si vuledze tshithu, fhedzi uyo a no do bula tshivhi tshawe u do vha na khathutshelo.” Ni a vhona? Naa *tshivhi* ndi mini? “U sa tenda,” u sa tenda kha (mini?) Ipfi.

³⁰¹ Zwino, arali ni siho kha iyo kilasi, huno hu na zwithu zwine—zwine na zwi vhona Bivhilini zwine nga u nyadzea na tou... kha—kha zwañu... kha—kha zwañu—zwañu zwa vhutali, ni—ni nga si kone u zwi vhona. Inwi ni tou... Ni a ðivha uri Bivhili yo amba nga u ralo, fhedzi ni tou... Inwi a ni koni u zwi pfesesa, huno naho zwo ralo ni a ɻoda u ralo. Inwi ni ri, “Mudzimu, i ri ndi vhe na pfeseso. Ndi do U thetshela.”

³⁰² Naa ni do imisa tshanda tshanu, huno na ri, “Nnyelelwensi musi ri tshi rabela”? Mudzimu a ni fhañutshedze. Mudzimu a ni fhañutshedze. Izwo ndi zwavhuði. Ni a vhona?

³⁰³ Zwa vhukuma itonu elekanya nga hazwo, “Naa hu na tshiñwe tshithu Bivhilini tshire nda—nda tou—nda sa tou tshi ðivha? Ndi—ndi—nñe ndi—nñe ndi a ofha uri nñe ndi khou yo ðiwana kha tshiñwe tsha zwiteñwa. Khamusi nñe ndi khou yo ðiwana na vha fusumbe, vhane nda... Hu tou vha na zwiñwe zwithu zwine nda... Zwi a kondza nga maandesa kha nñe u pfesesa ndila ine—ine Mudzimu a do ita izwi zwithu, uri A nga kona hani, ndila ine Yesu a nga vha onoyo muthihi, ndila—ndila ine izwi zwithu. A—a thi Li pfesesi. Ndi ɻoda u Li pfesesa. Ndi—ndi ɻoda u Li tenda. Huno, Mudzimu, thusa u sa tenda hanga. Ndi—ndi ɻoda u vha tshipida Tshaþo. Ndi ɻoda u vha na mukovhe kha Ipfi. Ndi Li ɻoda kha nñe.”

³⁰⁴ “Arali ni tshi dzula kha Nñe, huno Ipfi Langa la dzula kha inwi, zwenezwo humbelani tshire na funa.” Yohane Mukhethwa

15. Ri a ḋivha uri izwo ndi ngoho. Sedzani, “Arali ni tshi dzula,” hu si nga ngomu nga nn̄da, nga ngomu na nga nn̄da, fhedzi, “arali ni tshi dzula kha N̄ne,” huno Ndi ene Ipfi, “huno La dzula kha inwi, zwenezwo itonu humbelazwine na funa huno ni do ḋnewa tshone. Ni do vha natsho.”

³⁰⁵ “Ane a ṭanganedza Maipfi Anga, huno a tenda kha Uyo we a Nthuma, o no di fhira lufuni a da kha Vhutshilo.” Fhedzi ni nga kona u tanganedza Ipfi, u thoma? Naa ni nga kona u ṭanganedza Ipfi, Ipfi lōthe, lōthe la Kristo? Kristo ndi Ipfi lō doliswaho. Ndi ene Ipfi, lō doliswaho.

³⁰⁶ Kristo zwi amba “Uyo o doliswaho,” Ipfi lō doliswaho la ilo d uvha, lō vhonadzwaho, Mutshidzi, Murengululi. Izwo ndi musi O vha a tshi tea u da, huno O vha e uyo Muthu o doliswaho u dzhia afho fhethu.

³⁰⁷ Zwino ndi Muya Mukhethwa maduvhani a u fhedzisela, u penyisa Zwedza zwa nga madekwana, u vhuyedzedza murahu Lutendo [Tshikhala kha theiphi—Mudz.] ulwo lwo kandekanywaho, nga kha dzidinomineisheni; a tshi haṭula dzidinomineisheni huno a da murahu kha Lutendo lwa vhubvo, nga Lutendo lwa Bivhili lwa vhubvo; Bivhili ya vhubvo, u tenda Ipfi līnwe na līnwe Lālo, hu si na u engedza khālo na u Li ita uri lī ambe *itshi* na u amba *itsho*. Itonu Li amba nga ndila ye La amba, huno ni ṭoda u zwi tenda nga iyo ndila.

³⁰⁸ Naa hu na muñwe we a sa imise zwanda zwawe na khathihi, a no ṭoda u imisa zwanda zwawe, huno a ri, “Mudzimu, u nnyelelwe”?

³⁰⁹ Mudzimu a ni fhaṭutshedze, mufumakadzi. Mudzimu a ni fhaṭutshedze, mufumakadzi muswa. Mudzimu a ni fhaṭutshedze, inwi. Zwavhudi. Mudzimu a ni fhaṭutshedze, muthu muṭuku. Mudzimu a ni fhaṭutshedze, khaladzi anga. “Ndi ṭoda Ene. Ndi...” Mudzimu a ni fhaṭutshedze, khaladzi, hangei kha tsha u la tshanga. Huno a ni fhaṭutshedze, ngei murahu. “Ndi ṭoda...” Huno Mudzimu a ni fhaṭutshedze, munna muswa. Huno inwi, khaladzi, hangeno. Inwi, mukomana, nga hangeno kha ili sia, Murena a ni fhaṭutshedze. Mudzimu a ni fhaṭutshedze, ngei murahu. “Itou nnyelelwa, Murena.”

³¹⁰ Zwino elelwani, a ni khou imisela tshanda tshanu kha nne; Khae. Heneffo tswititi nga murahu hanga, zwino, Murena u vhona tshanda tshanu. Naho tsha mpfuka, U a tshi vhona. U ḋivha mibilu yanu. Ú ḋivha tshi no khou divhitha heneffo. U ḋivha ndivho yanu. U ḋivha uri tshituwedzi tshanu ndi mini kha iyo ndivho. Mudzimu a ni fhaṭutshedze, mukomana.

³¹¹ Muñwe muthu-vho, “Ndi ṭoda u tenda Ipfi lōthe.” Mudzimu a ni fhaṭutshedze. Zwo luga. Mudzimu a ni fhaṭutshedze. “Nthuse, Murena, nthuse.” Murena u vhona zwanda zwanu. Ee, muñwe wanga. Izwo ndi zwone. “Hu na zwithu zwine nda—nda sa kone u zwi p fesesa. A—a thi ṭodi u vha a sa tendi. Naho ndi sa

zwi pfectesesi, ndi ṭoda u zwi tenda, naho zwo ralo. Ndo lugela u ri, ‘Murena Mudzimu, ndi hone fhano. Ndi ṭoda u tenda. Thusa u sa tenda hanga, Murena.’’ Mudzimu a vhe na inwi. Mudzimu a ni fhaṭutshedze. Zwanda zwinzhi, zwinzhi zwi nt̄ha, huno zwi kha di ya nt̄ha.

³¹² Inwi ni ri, “Mukomana Branham, naa izwo zwi a thusa?” Imisani tshanda tshanu nt̄ha luthihi, ni na ndivho ya vhukuma, yo lugaho, huno ni wanuluse uri ni pfa hani nga hayo.

³¹³ Inwi no ḥanziela uri hu na tshiñwe tshithu tshiṭuku vhutshiloni hanu, ni a divha. Hu na tshiñwe tshithu tshiṭuku, a ni ṭodi u vha heneffo, fhedzi tshi heneffo, naho zwo ralo. Inwi ni a mangala uri zwi nga itwa hani. “Huno, Murena, ndzivhise uri ndi si vhe ene Yudasi. Ndzivhise uri ndi do tevhela kha—kha Mulaedza, khamusi ndi tshi khou lingedza u elekanya uri liñwe duvha inwe khakho ṭhukhu i do vhonala. O Mudzimu, hu si nne. Iri ndi dzule heneffo na Ipfi Lau. Ni a vthona? Kana khamusi ndi do vha a sa tendi a no sokou elekanya nga u nyadzea, ‘Zwo luga, arali—arali . . . zwo luga, ndi ngani vhañwe vhoṭhe vha sa khou amba nga u ralo?’ Ni a vthona? A—a thi khou ṭoda u vha nga u ralo. Ndi ṭoda u vha mutendi. Ndi ṭoda u ralo. Ndi vthona Ipfi la Mudzimu la awara. Ndi vthona Mudzimu Khalo. Huno, Murena, nnyite tshipida tsha ilo Ipfi. Nnyite tshipida Tshało. Ndi ṭoda u vha tshipida Tshało.” Murena a ni fhaṭutshedze.

³¹⁴ Zwino kha ri rabele. Huno muthu muñwe na muñwe, inwi ni rabelela—inwi mune, huno ndi khou yo ni rabelela. Naa no divha, liñwe duvha ri khou yo u . . . a ri khou yo vha roṭhe hafha, khamusi, lwa tshifhinganyana. Vhañwe vhashu vha do dzhiwa, huno a ri nga vhi roṭhe. Hu na vhanzhi vhashu hafha, hune, vhañwe vhashu ri khou vha vha kale. Vhañwe vhashu, a ri divhi. Na vhaswa vha a fa. Ri fa kha vhukale vhuñwe na vhuñwe. Ri tea u fhandekanywa, huno itsi tshithu tshi tea u ladzwa. Huno inwi ni nga si swike hangei nga u sokou ri no swika, ni tea u da musi ni tshi kha di vha kha ṭhalukanyo yanu yo lugaho.

³¹⁵ Inwi ni ri, “Zwo luga, ndi sa athu fa, arali ndi tshi nga Li vthona.” Hai, ni songo ita izwo. Ni nga di vha ni si kha ṭhalukanyo yanu yo lugaho tshifhingani itsho. Ni nga di vhulawa ni sa athu swika hayani, nga khombo. Ni nga di fa nga vhulwadze ha mbilu. A ri divhi zwi no khou yo bvelela; Mudzimu fhedzi o fara izwo. Ndi fulufhela uri a zwo ngo ralo.

³¹⁶ Ndi khou sedza vhatnu nga nnnda, nahone, vho fara zwanda zwavho fasiṭereni. Ni a vthona? Ee, Mudzimu a fhaṭutshedze.

³¹⁷ “Ndi—ndi ṭoda—ndi ṭoda u vha o lugaho. Ndi—ndi—ndi—ndi ṭoda u vha o lugaho.” Huno zwino kha ri zwi lugise, zwino, zwa zwino. Fhedzi, ni nga zwi ladzela tshifhinga tshithihi; arali u bva vhudzivhani ha mbilu yanu, arali nga vhufulufhedzei ni tshi ri, “Murena Yesu, a hu londwi uri ndi mini, kana zwine muñwe—vho a amba, Ipfi Lau li do vha la u thoma vhutshiloni hanga.

Ndi a Li ṭoda vhutshiloni hanga. Iwe u Ipfi. Bivhili yo amba nga u ralo, huno ndi a tenda uri Bivhili ndi Ipfi ḥa Mudzimu. Huno ndi a ḏivha dzindaela na dzidogima, dze dza ṭhavhelwa ngomu Halo, zwo li ita tshivhalonyana tsha vhuhoi. Murena, nṭanzwe kha zwithu zwi no nga izwo, huno i ri ndi vhe Wau tshothe. Ndi imisela zwanda zwanga kha Iwe. Ndi imisela mbilu yanga kha Iwe, ipfi langa kha Iwe, thabelo yanga kha Iwe. Mudzimu, nkathutshole.”

³¹⁸ Huno zwanda zwanga zwi nṭha, na zwone-vho, Murena. Nṭanzwe, O Murena, kha u sa tenda hothe.

³¹⁹ Naho A si nga npei one—one Maanda a u tshimbila sa Enokho na u sa tea u fa, fhedzi a tou dzhia mutshimbilo wa nga masiari huno a ya Hayani Nae; fhedzi, Mudzimu, ndi a tenda uri izwo zwi do bvelela, ngauri ndi a ḏivha uri hu tea u vha na U Takuvelwa Taqulu nga ḏuvha ḥa u fhedzisela, huno mushumo u tea u tumulwa wa vha mupfufhi.

³²⁰ Huno, Khotsi, i amba nga u ralo khałenda yashu, miñwaha ya furarurathi yo engedzeaho huno mushumo u do vha wo fhela, huno U do tea u da tshiñwe tshifhinga kha itsho kana a hu nga vhi na nama i no do tshidzwa. Huno zwenezwo ri a vhudzwa, nga vhagudi vha rekmodo dza ḏivhazwakale na—na vhathu vha no ṭola zwithu zwo raloho, uri ro no bveledza miñwaha minzhi, minzhi kha iyo, miñwaha minzhi ngei nṭha heneffo; vha a ri vhudza, nga dzikhala, zwauri ri kule nṭha u fhira iyo; khamusi hu na miñwaha ya fumiñhanu fhedzi kana ya fumbili yo salaho. A thi ḏivhi, Khotsi. Fhedzi ndi a ḏivha, na u ya nga khałenda yashu, ri kałukułku heneffo.

³²¹ Ndi vhona hune hu nga si vhe na fhulufhelo lo salaho, Murena. Hu khou da . . . Arali vha thoma u rembulusa idzo bomo dza vhofholowa nga tshadzo, Murena, hu—hu—hu nga si vhe na mudavhi wa nndwa. Vha do, vha do tshinyadzana. Huno, Murena, zwo nembelela heneffo, huno naho zwo ralo Bivhili i ri małađulu othe na liphasi zwi do duga. Mudzimu, ndi vhona awara i tshi bvelela.

³²² Ndi elekanya nga ha u vhulawa ha Muphuresidennde, huno zwenezwo nda vhona muñwe munna muvhī a tshi dzhena ngomu, a sa tendeli munna u vha na tsengo, huno a mu thuntsha, nga vhuvhulahi ho pulanelwaho. O Mudzimu, muthihi u na mulandu u fana na muñwe. A vha na pfanelo ya u ita izwo. Vhuvhi kha lushaka lwashu, lu tea u vha lushaka lwa Vhukriste, ndi tsumbo i ṭungufhadzaho ine ra vha yone, Murena, lwa Vhukriste. Ri hangwele, Murena, zwivhi zwashu.

³²³ Ri thuse, O Mudzimu, nga maanda Tshivhidzo Tshau, avho vho lovhedzwaho kha Muvhili wa Kristo wo dzumbamaho. Zwine, “Ndi Muya une wa hanyisa,” Iwe wo amba. Huno vhunga Murwa-muthu o gonya nṭha, ngauralo Muvhili Wawe u do gonya. Huno Ndi ene Thoho; Tshivhidzo Tshawe ndi Muvhili. O

Mudzimu, ndi Thoho i no endedza Muvhili. I ri Vhurangaphanda ha Ipfi vhu endedze Muvhili wa Kristo. Huno ngavhe ndi tshi vha tshipiда tsha uyo Muvhili, Murena.

³²⁴ Ndi rabelela avha vha no imisa zwanda zwavho, na vhothe vha re hone na vhothe vha re kha dzitheiphi. Murena Mudzimu, ndi a rabela nga vhufulufhedzei. Vha dzhie vha dzhene, Murena. Iwe u sedza mbilu dzavho. U a divha zwine vha vha zwone. Fhedzi, sa mulanda Wau, ndi—ndi rabelela vhathu, Murena. Ndi—ndi a vha funa. Ndi a vha funa.

³²⁵ Huno ndi—ndi—nne ndi khou lingedza u ita izwi ngauri ndo pfa ndaela Yau ya uru ndi zwanga uri ndi zwi ite. Ngauralo, Khotsi, hafha ndi hone, ndi khou ita zwa khwinesa zwine nda kona nga . . . Nkhangwele khakho dzanga dzi shayesaho nungo, Murena. Ndi a rabela uri U do—U do ntendela nungo, uri ndi do kona u zwi ita uri zwi pfalese kha vhathu.

³²⁶ Zwino ivha na riñe thaberenakeleñi, madekwana a ñamusi. Sedza fhasi kha avha, Murena, avho vho imissaho zwanda zwavho thaberenakeleñi. Ntole, O Murena, huno u nnedinge. Huno arali ha vha na vhuvhí kha nne, ntanzwe, Khotsi. Zwi tendele. Tanzwa itshi tshividzo.

³²⁷ Ri tanzwe rothe, Murena, uri Ipfi li do itwa ñama vhukati hashu huno la divhadziwa kha shango nga lino duvha. Zwi tendele, Khotsi. Ngauri, ndi kumedza izwi, na nne muné, na ili linwalwa, na avha vhathetshelesi, na Ipfi Lau na pfulufhedziso Yau, u itela tshidzo ya mimuya yashu, nga Dzina la Yesu Kristo. Zwi tendele, Murena.

³²⁸ Ngavhe Maanda a Mudzimu a tshi da kha riñe huno a ri dolisa, ndilani yothe u bva kha mufunzi u swika kha mulondi wa tshifhato, na muthu muñwe na muñwe a re hone. Ngavhe Muya Mukhethwa u tshi da huno wa dzhia fhethu Hawo mbiluni dzashu, huno wa dzhia pfulufhedziso inwe na inwe ya Mudzimu huno wa ri dzumbululela uri Ipfi Lau ndi Ngoho. Nga kha Dzina la Yesu ndi a rabela.

³²⁹ Huno musi ri na zwifhañuwo zwashu two kotama. “Ndi kona . . .” Ndi toda mulidzapiano, arali a tshi do funa, u ri nea tshuni ya ulu luimbo, “Ndi kona u pfa Mutshidzi wanga a tshi khou vhidza. Hune A nnyisa hone ndi do tevhela.” *Hune A Nnyisa Hone Ndi Do Tevhela.*

. . . Mutshidzi wanga a tshi vhidza, (Naa ndi
Ene mini? Ipfi!)

Ndi kona u pfa Mutshidzi wanga a tshi vhidza,
Ndi kona u pfa Mutshidzi wanga, (zwino
hanani dogima dzañu na zwithu)

Dzhiani tshifhambano tshañu huno ni
ntevhe— . . .

³³⁰ “Ane a sa do dzhia tshifhambano tshawe huno a Ntevhela, Ipfi, ho ngo fanela nga u vha mufunziwa Wanga.”

Hune A nnyisa hone (murahu kha Bivhili, hune
 A ḫo ni isa hone) . . . ḫo tevhela,
 Hune A nnyisa hone ndi ḫo tevhela,
 Hune A nnyisa hone ndi ḫo tevhela,
 Ndi ḫo . . . (Arali hu u ya ḫa tivha, nga Dzina
 Lawe; arali hu u ya kha aliṭari, u tinya ḫoni
 dzanga!) . . . ndilani yoṭhe.

³³¹ [Mukomana Branham u thoma u ḫuna *Hune A Nnyisa Hone Ndi ḫo Tevhela*—Mudz.]

. . . Ene kha dzikhaṭhulo, (Iyo ndi yone, zwa
 zwino.)
 Ndi ḫo . . .

³³² Naa ni kha sia ḫifio? Naa ni vhonani kha tshivhoniswa
 tshaṇu Bivhilini, ngilasi ya Mudzimu ya u vhona, arali nqe ndi
 tshi khou haṭulwa zwino nga Ipfi?

Ndi ḫo ṭuwa na . . .

³³³ “Ndi ḫo ṭuwa na Ipfi, a hu londwi uri li dzhiani. Ndi khou
 ya nga kha khaṭhulo dza Mudzimu. Arali ndi tshi tea u dzhia
 huthihi ha mafhethu, nnyite mutendi, heneffho fhasi kha Ipfi.”

. . . Nae, Nae ndilani yoṭhe.

Ngauri hune A nnyisa hone ndi . . .

³³⁴ Zwino zwi elekanyeni, nga vhuronwane vhukuma zwino. “U
 nnyisa . . .” 

TSHAKA THARU DZA VHATENDI TSV63-1124E
(Three Kinds Of Believers)

Hoyu Mulaedza nga Mukomana William Marrion Branham, u rangani wo ḥewa
nga Tshiisimane nga madekwana a Swondaha, Lara 24, 1963, Thabererenakejeni
ya Branham kha la Jeffersonville, Indiana, U.S.A., wo dzhiwa kha rekhodo ya
theiphi ya maginete huno wa gandiswa u songo pfufhifhadzwa nga Tshiisimane.
Heyi ḥhalutshedzo ya Tshivenda yo gandiswa huno ya phaḍaladzwa nga vha Voice
Of God Recordings.

TSHIVENDA

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org